



а. с. тараново

КОМСОМОЛО

и

**классово марибэ
машкир ромэндэ**

огиз—тэрны гвардия— 1932

Цыг.
2-29

А. Тараново

КОМСОМОЛО

и

**классово марибэ
машкир ромэндэ**

Г.П.Б. Литр.

Ц. 1933 г.

Акт № 92

огиз тэрны гвардия 1932

УЧВ.

№ 69

Со сы чиндло

Пхаро джиибэ нацыональностен дрэ тагарискирэ бэрша	3
Сыр джиндлэ рома дрэ тагарискирэ бэрша	8
Тагарискири Россия сыс тюрьмаса ваш тыкнэ нацыональности	10
Кэ со долыджия тагарискири нацполитика	12
Октябрьско революция злыя рабство дрэ СССР отачнэ народностендыр	15
Со кэрла ваш ромэнгэ коммунистическо партия и сов. власть	20
Барьипэ романы культура	22
Романы печать	26
Постановлениё президиумоскиро	31
Комсомоло палэ культура тэ хулаибнытко строительство машкир ромэндэ	35
Марибэ антицыганизмоса	41
Второ панджбэршытко плано	46
Индустриально розкхуибэ дрэ нацыонально районо дрэ второ панджбэршытко плано	49
Комсомоло дрэ классово марибэ	50
Ваш подготовка романэ кадры	53
Тэ на совэс, а тэ дыкхэс палэ каждо шаго классовонэ ворогос	61
Комсомоло ваш Марксистко Ленинско сыкляибэ	64
Ваш интернационально буты машкир комсомоло	67
Комсомоло пало соцсоревнованиё тэ ударничество	70
Амарэ задэибэна	79

Пхаро джиибэ нацыональностен дрэ тагарискирэ бэрша

Дрэ амаро Советско Союзо дживэна бутыдыр шэл тэ паш разна нацыональностен.

Сарэндэ адалэндэ нацыональностендэ сы пэскирэ особенности тэ пэскиро быто.

Машкир одолэ нацыональностендэ сы бутыдыр культурна, сыр украинцы, белоруссы и ваврэ. Прэ востоко сы адасавэ мануша, савэн Октябрьско революцыя заухтылдя адякэ, со ёнэ на джиндлэ ни сави грамота. Адасави культурно отачипэн на руссконэ манушэн сыс адалэстыр, со тагарискиро правительство на камья тэ газдэл лэнгиро культурно уровнё и на дынэ лэнгэ тэ откэрэс школы прэ пэскири чиб.

Тагарискири Россия сыс барэ кхэрэса (бэшыбнаскирьяса) ваш тыкнэ нацыональностенгэ.

Тагари пэскирэнца рашанца и полицыяса зорьяса камнэ, собы татары, евреи, чюваши и адякэ дурыдыр прилынэ православно патыв, эксплоатировал лэн тылгари (купцо), эксплоатировал фабриканто и помещики. Ни екх нацыональность на кхардяпэ пиро пэскиро чячюно лав угнетателендыр.

Узбекэн кхардэ „сарты“ евреем „жыды“ украинцэн „хохлы“ ромэн „фараоны“ тэ адякэ дырыдыр.

Тагари лыджия машкир нацыональностендэ марибэ, собы ёнэ екх екхэс тэ на камэн.

Полицыяса кэрнаспэ марибэ машкир армянэндэ, тюркэндэ, марибэ гыя адякэ со ёнэ екх екхэс умарнас.

Бут манушэндэр, сыр киргизы башкиры отлэнас лаче пхувья и пиридэнас адая пхув одолэнгэ, конэс ёнэ по-камнэ тэ ковлякирэн тэ пиритырдэн кэ пэ ваш пэскири зашшита. Саро адава кэрдяпэ ваш адава, собы адалэ мануша на лыджинэ марибэ тагариса тэ бұржуазияса.

Только Октябрьско революция дрэ 1917 бэрш тходя трушыл прэ национально холы.

Дрэ пэрва Октябрьско революциякирэ дывэса В. И. Ленино чиндя лыл саво кхарлапэ: „Декларация прав манушэн дрэ Россия“ кай ракирлапэ Советско власть кэрла равенство машкир сарэ манушэндэ дрэ СССР на пригалёлапэ ни пал савьятэ национальностятэ ни савэ привиллегии.

Амарэ враги дрэ пэрва Октябрьско революциякирэ дэвэса сандлэпэ, со большэвикэндэ ничи на выджяла, со ёнэ большэвики на прорикирнапэ и дуй-трин куркэ и со лэнца на треби тэ гинэспэ.

Акана амарэ враги удыххнэ и пригалынэ, со амари Октябрьско революция лыджяла бутярен кэ сарэсвэ-тытко социалистическо революция.

Акэ 14 бэрш сыр сы совестко власть. Саро бутяри-тко классо разнэ национальностендыр и гавитко мануша кхэтанэ тэло Ленинско партия кэрна социали-стическо строительство дрэ Советско Союзо.

Амэ пролыджяса пандж бэршытко плано дрэ штар бэрша. Сы бут фабрики и заводы, савэ выкэрдэ 5 бэршытко плано дрэ дуй пашэса и трин бэрш. Ваш адава собы тэ пролыджяс о панджбэршытко плано бутярно классо и сарэ трудяшшы СССР влыджинэ нэвэ бутитка формы. Амэ дыкхаса, со дрэ бут фабрики, за-воды, шахгы, колхозы влыждинэ ударничество, екх екхэса соревнуются, саро адава дэла тэ кэрэс бутыр одолэстыр, со придыкхно промфинпланоса. Бут ромэн гынэ прэ фабрики, заводы и про буты дро советска учреждения.

Адыкэ машкир ромэндэ каждонэса бэршэса барьёла культурно уровнэ, откэрнапэ романэ клубы, школы и лолэ вэнглы, бут романэ чявэ и чяя сыклёна дрэ разна

сыкляибнытка заведения. Барьёна романэ партийна кадры, комсомольцы и пионеры.

Кон думиндя дэшу штар бэрш палэ со ромэндэ авэла пэскири печать? Никон. Потому со тагари ни сыр на домэкья тэ вымэкэс лылваря про родно чиб савэ сыс барэ оружиёса дрэ культурно уровнёскири газдыипэ. Только Совесто власть помогискирдя ромэнгэ тэ вымэкэс э лылваря прэ родно чиб.

Амари печать барьёла каждонэса бэршэса.— Дрэ 1927 бэрш саро пиро саро сыс 2 печатна листы и екх названийё. Дрэ 1928—29 бэрш сыс 13 печатна листы и 3 названии, дрэ 1929—30 30 печатна листы и 20 названии, дрэ 1930/31 бэрш—130 печатна листы и 40 названийя. Пиро плано прэ 1932 бэрш бутыр 250 печатна листы.

Адарик вджяна - учебно - педагогическо, колхозно юношеско, художественно и партийно массово литература. Дрэ адая буты прилэна учястийё кокорэ рома.

Амарэ успехи инке учедыр газдэнанэ, коли амэ пролыджяса пандж бэршытко плано дрэ штар, фэдырьякирлапэ джиибэ отачнэ манушэн. Амарэ достижения дро социалистическо строительство марна пиро капиталистическа элементы, капиталисты дрэ амарэ успехи дыкхэна пэскэ хась тэ пал адава ёнэ лыджяна марибэ амарэса социалистическонэ строительствоса. Панджбэршытко плано сыкавэла сарэсвэтытконэ пролетариатоскэ, со сы возможность тэ газдэс хулаибэ тэ тэ кэрэс фэдыр бутярэнгиро джиибэ, коли кокорэ бутярнэ лэнапэ пал адава. А ваш адава треби тэ счюрдэс буржуазия властятыр и тэ кэрэс пролетариатоскири диктатура.

Только дрэ амаро Советско Союзо хаскирды национально привилегия. Мэк адава авэла татарино, армянино, еврейё, ром, са екх ёнэ бутярнэ, савэ бы ёнэ на явэн нацыятыр, са екх ёнэ сы машкир пэстэ пшала тэ товариши лэндэ екх кхэтано интересо. Кхэтанэ лыджяна марибэ капиталистическонэ элементэнса тэ кхэтанэ строинэна социализмо.

Каждо амаро шаго упрэдыр дрэ соцыалистическо строительство са бутыр марла кулакос и нэпманос.

Буглякирлапэ коллективизация, хаськирлапэ кулако сыр классо. Бутяритка нацыональности прэ основа сплошно коллективизация лыджяна марибэ кулакоса. Октябрьско революция дья амэнгэ саро ваш адава, соб тэ издживэс нацыонально неравность. Советско власть издыя екх законы ваш сарэнгэ бутитконэнгэ, а адава помогискирла амэнгэ мирно кхэтанэ тэ гэдэс саро народно хулаибэ и культурно джиибэ.

Дро тагарискирэ бэрша, помещики тэ капиталисты дрэван зоралэс тасадэ отачнэ манушэн. Палэ трин шэл бэрша русско правительство пролыджия ратуно марибэ нацыональноэ окраинэнца, ваш адава собы тэ заухтылэс лэнгирэ пхувья тэ миштыпэ.

Пало одолэ 300 бэрша тагарискири Россия заухтылдя Кавказо, Сибирь Крымо, Туркестано и адякэ дурыдыр. Сарэ адалэ штэты сыс заухтылдэ бутэ бэршэнца дрэ зорало марибэн одолэн манушэн, савэ дро одолэ штэты; лэн умардэ или страдынэ дрэ вавир страны.

Адасавэ случаи сыс дрэ Северно Каквазо, кай джидлэ бут разна нацыональности, савэ лыджинэ марибэ тагарискирэ правительствоса пал пэскири назависимость, нэ дрэ адасавэ случаи тагарискирэ генералы обухтылдэ сыр ангрустяса пэскирэнца хэладэнца одолэ нацыональности савэ на камэн тэ явэн зависимонэнца руссконэ правительствостыр. Бут лэн пиримарнас а ваврэн страдэнас дрэ адасавэ шэты, кай ничи на барьёлас тэ кай нашты сыс тэ дживэс. Тагирискиро правительство обкэдыя одолэ нацыональности и кэрдя лэн чёрорэнса.

Заухтылдэ нацыональна окраины тагарискирэ помещики, капиталисты залынэ пэскэ пхув и ваврэ барвалыпэна. Туркестаностыр вылыджинэ хлопко, Кавказостыр нефть, Сибирятыр сувнакай и пушнина. Нацыональна окраины треби сыс помещикэнгэ и буржуазиякэ ваш пэскиро барвалыпэ. Руссконэ капиталис-

тэнгэ треби със таргитка штэты, кай бы шукир тэ бикнэс пэскирэ товары. Тагарискиро правительство на камья тэ залыджял дрэ одова жэ Туркестане хлопково промышленность, и вылыджинэ адава хлопко пало дэш тысенцы вэрсты дрэ Московска и Ивано-Вознесенска фабрики, прэ адалэ фабрики обкэрнас хлопко дрэ готова товары и отэнчя адава жэ товаро бикиндлэ дрэ одова жэ Туркестано барэ кофоса.

Нэ буржуазия на откэрдя одой промышленность пал адава, со ёй дарандыя собы тэ на барьёл нацыо-нально пролетариато, саво могискирдя бы кхэтанэ гавитконэ манушэнца тэ лыджяс марибэ ваш пэскиро освобождениё.

Ваш адава собы тэ рикирэс дрэ пэскирэ васта на-циональна окраины тагарискиро правительство тходя зоралы пэскири полиция, сави ни кичы на гиндяпэ савэ бы тэ на явэн национальностяса, лэндыр отлынэ със сарэ правы. Полиция, чиновники и сэнды със дро васта руссокнэндэ. Штэтытко населениё на дынэ тэ ракирэс про родно чиб, и зорьяса затходэ тэ ракирэс прэ русско чиб.

Тагарискиро правительство дрэван зоралэс тасадя чёрорэн манушэн, нэ на адякэ тагарискиро правительство отлыджияпэ кэ национально буржуазия.

Русска помещики и буржуазия със кхэтанэ дрэ союзо армянсконаса, еврейсконаса, ромэнгирьяса тэ ваврэ национальностенца. Буржуазия эксплоатировала чёрорэн национальностен тэ гавитко манушэн.

Собы тэ зорьякирэс пэскири власть тагарискиро правительство холякирдя екх национальность прэ вавир ваш адава соб тэ на домэкэс союзо машкир трудя-шшёнэндэ дрэ марибэ прэ тагаристэ. Бут със случаи коли армяне мардэпэ татарэнца, украинцы полякэнца, ромэнгэ и евреенгэ дорэстяпэ руссконэндыр.

Адасаво враждебно отношениё кэ рома и евреи пролыджяласпэ барвалэ классоса на толкько дрэ тага-рискири Россия, нэ и дрэ сарэ капиталистическа страны.



Пхурано быто. Про тарго.

Сыр джиндлэ рома дрэ тагарис- кирэ бэрша.

На дыкхи прэ адава со романы нацыя на бари нэ ромэн джинэл саро свѣто, рома дрэван розчюрдынэпэ пиро сари Европа, Африка, Америка, Австралия.

Бутыр сарэстыр рома дживэна дрэ амаро Советско Союзо, Венгрия, Сербия, Болгария, Румыния, Польша и Бессарабия.

Сыр бы рома тэ надживэн машкир ваврэ нацыональности, сатаки ёнэ дживэна на адякэ сыр ваврэ, и коли ромэнгэ приджялапэ та сджяспэ ваврэ нацыональностенца, то только пал адава собы тэ дорэсэс пэскэ хабэ и вавир кофо.

Коли явнэ рома дрэ западно Европа лэн дрэван нашукар прилынэ. Буржуазия на полыя пал со рома

на дживэна прэ екх штэто, палсо нанэ ромэндэ пэскирэ кхэра, пхув и ад. дур? Прэ ромэндэ дыкхнэ и акаана дыкхэна дрэ капиталистическа строны, сыр прэ преступникэндэ. Сарэ стронэндыр ромэн традэна, лэн на пригалёна пал манушэндэ, марнас лэн, травиндлэ джюклэнца, на дынэ тэ ракирэн прэ пэскири родно чиб.

Ромэнгэ запхэндло сыс законоса тэ явэс дрэ форья кэ примеро, дрэ Германия. Дро 1589 бэрш сыс издыно законо, дрэ саво ракирдяпэ со рома на бангэ тэ дживэн дрэ Германско империя, а коли ухтылна ромэн, то лэна тэ хачькирэн прэ яг или тэ тасавэн. И адасавэ законы сыс буг дрэ Европейска строны. Адасавэ пхарэ джибнастыр пригыяпэ ромэнгэ тэ пириджяс дрэ ваврэ строны.

Сыр жэ джиндяпэ ромэнгэ дрэ тагарискири Россия. Дрэван пхаро. Тагарискиро правительство на дья ромэнгэ тэ дживэс прэ екх штэто, лэн везде традынэ, ромэн на домэкнэ тэ кэрэс буты прэ фабрики и заводы и прэ пхув. Тагарица Екатерина вымэкья законо, собы ромэн тэ на домэкэс пэ пандж дэша вэрсты кэ Питербурго, прэ ромэндэ тходэ законоса государственна подати и ад. дур.

Ромэн на домэкнэ прэ пхув и на мэкнэ тэ сыклён дрэ школа, окэ пал со машкир ромэндэ и гинэлапэ баро проценто налылварэн.

Тагарискиро правительство на дья ромэнгэ политическа правы. То пал адава пригыяпэ ромэнгэ тэ лыджяс фэлдытко джиибэн дрэ бокх, шылалыпэ, дрэ блата. Адалэстыр выкхардо сы ромэнгиро залэибэ драбакирибнаса, хохаибнаса тэ ваврэнца на миштэ рэндэнца, адалэстыр то выкхарды сы холы населениёстэ кэ рома. Кон жэ дрэ адава банго со ромэн традынэ сарэндыр штэтэндэ.? Дрэ адава банго тагарискиро правительство.

Потому со тагарискиро правительство на бут адава, со ёв на дья ромэнгэ политическа правы, нэ тагарискиро правительство воспитывало трудяшшёнэн

руссконэн на шукар тэ дыкхэс прэ ромэндэ. Дрэ адава дрэван помогискирдя буржуазно печать, школа и кхангири.

Тагарискиро правительство кхэтанэ рашанца присыклякирдэ русско населениё тэ рикирэс пэс хуланса пире сари строга и адякэ кхангири буржуазно печать вмардэ дрэ шэро руссконэ трудяшшёнэнгэ холямэс тэ дыкхэс прэ трудяшшё нацменьшинство.

Тагарискиро правительство на шукар отлыджялапэ кэ чёрорэ рома, нэ кэ романы буржуазия тагарискиро правительство отлыжияпэ шукир. Романы буржуазия пользындяпэ привилегияса, ласа кэ примэро ромэн бурмистрэн; амэ джинас, со бурмистрэнца сис сама барвалэ рома, бурмистро дрэ табаро сир одова жэ тагари; со ёв припхэнэла, адякэ чёрорэ рома бангэ тэ кэрэн. Чёрорэ рома на выджянас бурмистроскирэ лавэстырэ, ёв хулай про саро таборо.

Дрэ пхари мэнта, коли джяла романо бурмистро кэ тагарискиро чиновники, то лэскэ адай помогискирла только ваш адава соб романо кулако рикирдя пэскири зор прэ чёрорэ ромэндэ, а коли джяла чёро ром, то лэс на домэкэна и пашыл. Адякэ тагарискиро правительство всегда сис тэрдо пал барвалэндэ, савэ бы ёнэ тэ на явэн национальностендыр, ёй зашшишинэла пэскиро классо ваш адава собы бутыдыр эксплоатировали чёро рэн манушэн.

Тагарискири Россия сис тюрьма-са ваш тыкнэ национальности

Тагари тасадя сарэ трудяшши национальности, савэ джиндлэ дрэ пхураны тагарискири Россия. Кэ примеро, дрэ Украинска школы и дрэ ваврэ учреждении запретиנדяпэ тэ ракирэс прэ родно чиб.

Русска чиновники-тагарискирэ слуги, савэ сис бэшлэ дрэ сарэ учреждения и дрэ сэнды, хохаибнаса и взяткаса отлынэ трудяшшёнэнгирэ сама лаче пхувья тэ пиридынэ руссконэнгэ барвалэнгэ.



Тэ сыклёс прэ родно чиб на домэкнэ, тэ вымэкэс книги и газеты прэ сави нибудь нацыонально чиб тожэ на домэкнэ.

На екх моло гавитка мануша сыр украинцы, белоруссы и ваврэ лыджинэ марибэ тагарискироса гнётоса нэ адава марибэ тагарискиро правительство пэскирэнца хэладэнца потасадя.

Нэ инке пхарыдыр пригыяпэ тэ дживэс одолэнгэ нацыенгэ, савэ розчюрдынэ пиро сари строга. Кэ адалэ нацыональности одлыджянапэ рома, еврей, башкиры, узбеки, киргизы тэ бут ваврэ. Адалэ тыкнэ нацыональности лыджинэ прэ пэстэ бут пхарипэна тэ на чячипэ. Чёрорэнгэ евреенгэ нашты сыс тэ дживэс дрэ барэ форья, ромэнгэ на дынэ тэ залэспэ гавитконэ хулаибнаса на дынэ тэ кэрэн буты прэ фабрики тэ заводы тэ ад. дурыдыр.

Адыкэ-со тагарискиро правительство тасады бутыр сарэстыр на русско нацыональность. Саро адава прилы-

джыя кэ адава, со адалэ тыкнэ нацыональности дрэ-
ван бут отачнэ дрэ культурно барьипэ руссконэндыр.
Бутэндэ нацыональностендэ на сыс пэскири азбука.
Машкир ромэндэ дрэ тагарискирэ бэрша сыс 99⁰/₀ на-
лылварэ.

Налылварэн и замардэн манушэн логкхыдыр эк-
сплоатировать тэ закэдэс дрэ пэскирэ васта.

Кэ со долыджия тагарискири нацполитика

Тагарискири нацполитика сыс дро одова, соб
тэ влыджяс холы машкир трудяшшя нацыональности,
собы тэ отлыджяс лэн классовонэ марибнастыр, собы
машкир пэстэ трудяшшя нацыональности на пшалаки-
рдэпэ ваш пэскиро кхэтано освобождениё тагариск-
ирэ гнётостыр.

Состыр бутыр отачнэ, налылварэ тэ замардэ трудя-
шшя мануша, одолэса фэдыр буржуазиякэ эксплоа-
тировать и рикирэс лэн дрэ пэскирэ васта. Пирдал
адава-то буржуазия тэ пролыджия нацыонально рознь
машкир трудяшшёнэндэ. Русско буржуазия ракирдя
руссконэнгэ трудяшшёнэнгэ со на лаче евреи, а еврей-
ска буржуазия ракирдя, со на лаче русска и ад. дур.

Адыкэ буржуазия дрэ школа тэ дрэ кхангири
сыклякирдя тэ дыкхэс холямэс екх нацыональность
прэ вавир. Адыкэ тагарискирэ правительствоскэ сыс
кофитко, собы нацыональности савэ джиндлэ дрэ та-
гарискири Россия сыс дрэ холы екх екхэса собы, нацыо-
нальности машкир пэстэ лыджинэ нацыонально рознь,
ваш адава, соб ёнэ тэ на кхэтанякирэнпэ дрэ револю-
цыоно марибэ. Сыр только зоралякирдяпэ революцы-
онно движениё, тагирискиро правительство кэрдя пог-
ромы и мардэ евреен, пролыджинэ ратуно марибэ
машкир татарэндэ тэ армянэндэ адыкэ жэ тэ ваврэнца.
Темнотаса тэ холяса машкир нацыональностендэ тага-
рискиро правительство логкхэдыр тасадя тэ эксплоа-
тировал гавитко манушэн руссконэн тэ на руссконэн.



Кралискири национально политика прилыджия кэ адава со бутитка мануша савьятыр бы национально-стятыр ёнэ на сыс полынэ тэ розугалынэ пэскирэ кхэтанэ классово интересы. Полынэ адава, собы тэ выджяс буржуазнонэ тасаибнастыр, треби тэ хаськирэс капиталистическо строё.

Ваш амари коммунистическо партия тэ ваш сарэ-свэтытконэ вождёскэ В. И. Лениноскэ, национально пучибэн тэ классово марибэн на сыкадыяпэ отрискирдэ екх екхэстыр. Национально пучибэн дрэ партийно программа всегда джяла кхэтанэ классовонэ марибнаса пролетариатос тэ сарэсвэтытконэ пролетарсконэ ре-в. люцияса.

Тов. Ленино сыклякирдя амари партия тэ бутяритко классо, со национально пучибэн дрэ капиталистическо строё на могискирла тэ явэл кэрдо адякэ, сыр треби адава бутяренгэ.

Ленино ракирдя: „Дрэ капиталистическо строё тэ хаськирэс национально тасаибэ нашты, ваш адава треби тэ хаськирэс классы и тэ влыджяс социализмо“.

Ваш адава, собы тэ розрушынэс национально пучибэн, тов. Ленино тэ амари партия всегда ракирлас бутяренгэ, со собы тэ освободинэспэ э национальнонэ тасаибнастыр, треби тэ кхэтанякирэспэ, тэ сджяспэ пашыдыр бутитконэнса и трудяшшёнэ национально-стенца ваш кхэтано марибэ капитализмоса, тэ хаськирэс холы екх прэ ёкхэстэ, сави выбария машкир бутитконэндэ пирдал кралитко политика.

Сыр только кэрдяпэ Октябрьско революция сарэ одолэ национальности савэ сыс затасадэ тагариса, выгынэ прэ свобода екх пало екх. Сарэндэ лэндэ екх политическа правы. Нанэ бутыр барэн тэ тыкнэн, зоралэн тэ на зоралэн национальностен.

Нанэ бутыдыр инородцэн. Каждая народы, савэ дживэна дрэ СССР, сыр екх зоралэ сыр лэн зорьякирла саро советско союзо. Сарэ ёнэ полноправны тэ амари Советско власть зорьякирлапэ сыр састыр (железо). Пирдал со жэ адава?

Пирдал адава, со амэндэ екх бутярно правительс-
тво и со саро бутярно классо трудяшшися заинтере-
совоны дрэ екх амаро задэибэ тэ кэрэс соцыалистическо
обшшество.

Сарэ нацыональности сыр екх пиро плано кэрна
пэскиро соцыалистическо хулаибэ. Саро барвалыпэ сы
дрэ васта бутярендэ.

Октябрьско р'еволюцыя злыя рабство дрэ СССР отачнэндыр народностендыр

Сыр только бутяритко классо лыя э власть
дро пэскирэ васта, Советско власть прэ Всероссийско
Советоскиро С'езде дро 1918 бэрш пхэндя, со Советско
республика кэрла свободно Союзо пиро пэскиро кама-
ибэ сарэндыр Советсконэ нацыональнонэ респуб-
ликэндыр.

Трудяшшя мануша сарэ нацыональностендыр бангэ
сыс тэ скэдэспэ прэ Советэнгиро С'езде ваш адава,
собы тэ доракирэспэ со ёнэ обкхэтаниякирнапэ пиро
пэскиро камаибэ дро екх союзно Советско правитель-
ство ваш кхэтано марибэ буржуазияса ваш пэскиро
освобождениё.

Адалэ поратыр лыя тэ пролыджялпэ государстве-
нно-хулаибнытко тэ культурно строительство машкир
отачнэ нацыональстендэ, савэ джиндлэ безправно дрэ
тагарискиро правительство. Советско власть пригалыя
сарэн трудяшшёнэн равноправнонэнца манушэнца. Ва-
врэ бутитка нацыональности на могискирдэ тэ дома-
рэс пэскири буржуазия. Кэ адасавэ буржуазна государ-
ства отлыджянапэ Польша, Литва, Эстония, Латвия тэ
Финляндия.

Буржуазия одолэ стронэндыр зоралэс здарандыя
Октябрьсконэ революцыятыр сави захачияпэ пиро
сари Россия. Помешшики тэ капиталисты одолэн нацы-
ональностен зоралэс здарандынэ революцыятыр, зда-
рандынэ тэ нашавэс власть пэскирэ вастэндыр, зда-

рандынэ тэ нашавэс фабрики, заводы пхувья тэ ваврэ барвалыпэна.

Камаибэ бутяритконэ классос тэ трудяшшёнэ манушэн тэ заджяс дро екх Советско государство, буржуазия хэладэнгирэ помошсяса затасады бутяритко революционно марибэ и кэрдя буржуазно государство.

Сыр жэ дживэна дрэ адалэ буржуазна государства тыкнэ нацыональности? Дрэван пхаро. Дрэ Польша дживэна-евреи, украинцы, рома тэ ад. дур. Сарэ адалэ нацыональности сы зоралэс затасады польсконэ помещшикэнца тэ буржуазияса. Одой дрэ фашистско Польша на домэкэлапэ тэ сыклёс прэ родно чиб тыкнэнгэ на польсконэ нацыенгэ. Амэ джинас сыр нагара одой буржуазия закэрдя сарэ украинска культурна просветительна учреждения. Закэрнапэ украинска школы, гиныбнытка кхэра (избы читальни), сарэ газеты и ад. дур. Ромэнгэ ни соса на помогискирна, ваш адава соб о рома тэ чюрдэн пхаро фэлдытко джиибэ, лэн одой на гинэна пал манушэндэ, прэ ромэндэ одой дыкхэна сыр прэ джюклэндэ, сарэ штэтэндэр лэн традэна тэ на дэна ни сави помошшь.

Польско пролетариато зоралэс лыджяла марибэ пэскирьяса буржуазияса ваш пэскиро освобождениё. Сыр амэ джинас польсконэ пролетариатоскэ пхаро дживэлапэ, одой барьёла кризисо, закэрнапэ фабрики, заводы, а пирдал адава бутярнэ вычюрдэнапэ фабрика-тыр тэ заводостыр прэ гаса, барьёла бибутякирибэ, барьёла кучипэ прэ хабэ тэ прэ вавир.

Адасаво джиибэ бутяритконэ манушэндэ дрэ сарэ капиталистическа страны.

Буржуазиякэ подгыя хась, ёй додживэла последня пэскирэ бэрша. Бутяритко классо тэло руководство коммунистическо партия смогискирла тэ счюрдэл капиталистическо гнёто тэ лэла э власть дрэ пэскирэ васта.

Амаро советско союзо сарэнгэ напыональностенгэ помогискирла тэ гэдэс пэскири культура тэ хулаибэ. Прэ амарэ якха барьёла нэви промышленность прэ



национальна окраины, буглякирлапэ колхозно строительство. Прэ одава штэто, кай сыс отачно чёроро хулаибэ барьёла баро социалистическо хулаибэ. Кхэтанэ адалэса барьёла национально пролетарийё. Пирдал чючюно Ленинско руководство дрэ нацполитика амари партия домардяпэ дрэван барэ достижения. Кажно-нэса бэршэса Советско власть тэрдёла са зорылыдыр тэ зоралыдыр. Капиталистическа страны каждонэса бэршэса са бутыдыр тэ бутыдыр кирнёна. Советско Союзо сы примеро ваш сарэсвэтытко пролетариато, сыр дрэ амари страна адякэ тэ дро сарэ страны.

Рома после Октябрьско револю- циятыр

Октябрьско революция отмэкья сарэ тыкнэ национальности тагарискирэ гнетостыр, тэ кэрдя лэн равноправнонэнца манушэнца. Куммунистическо партия тэ советско власть тходя задэибэн: тэ помогискирэс отачнэ национальностенгэ тэ газдэс лэнгиро джиибэ, тэ газдэс экономика и культура, тэ откэрэс ваш лэнгэ прэ родно чиб школы, печать. театры и адякэ дурыдыр. Сарэ адалэ задэибэна пролыджяла дрэ джиибэ коммунистическо партия и Советско власть на обгыя ёй и ромэн. Партия прэ основа Ленинско национально политика тходя ангил пэстэ задэибэн: тэ влуджяс трудяшшёнэ ромэн дрэ екх трудяшшё семья тэ влуджяс лэн дрэ социалистическо строительство.

Дрэ пэрва жэ дывэса Октябрьско революция трудяшшися рома гиндлэпэ кхэтанэ ваврэ трудяшшёнэнца равноправнонэ манушэнца, рома могискирдэ тэ чюрдэн фэлдытко джиибэн, тэ джяс прэ буты прэ фабрики и заводы тэ залэспэ гавитконэ хулаибнаса тэ вавряса обшшестенно полезнонэ бутяса. Октябрьско революция заухтылдя ромэн отачнэнца. Бут рома дрэ пэрва бэрша на полыне сыр треби, со сы пэстыр Советско власть и со ёй камэл тэ кэрэл ваш замардэ отачнэ национальности. Дрэ пэрва бэрша машкир ро-

мэндэ дрэван набут манушэн прилынэ участийэ дрэ амаро советско строительство. Тэ только дрэ 1923 б. газдыяпэ буты машкир ромэндэ.

Дрэ 1923 бэрш дрэ Москва рома комсомольцы откэрдэ комсомольско ячейка и тходэ ангил пэстэ задэибэн тэ лыджяс культурно просветительно буты машкир ромэндэ. Лынэ тэ ракирэн ромэнгэ ваш налачё романо джиибэ, кэ саво присыклякирдя тагари, сыр драбакирибэ, хохайбэ тэ ваврэ налаче рэндэ. Комсомольско ячейка откэрдя лоло вэнгло, дрэ саво сыклынэ рома дрэ кружки политграмота тэ ликбезо. Кхэтанэ адалэса рома коммунисты тэ комсомольцы а адякэ жэ и беспартийна рома-общественники лыджинэ агитацыя ваш адава, собы рома чюрдынэ фэлдытко джиибэ тэ пиригынэ тэ дживэн про екх штэто, тэ залэмпэ общественно-полезнонэ бутяса. Пэрво буты сыкадя, со рома барэ камайбнаса камэн тэ залэмпэ бутяса. Ц. К. партии и ВЦИК дрэ 1925 бэрш вылыджия постановленийэ тэ откэрэс Всероссийско Союзо ромэн (ВСЦ), ангил савэстэ тэрдья задэибэн: тэ обкхэтаныкирэс чёрорэн ромэн, савэ сы розчюрдынэ пире саро СССР, тэ фэдырьякирэс лэнгиро джиибэ, тэ прилыджяс лэн прэ оседлость, тэ газдэс культурно и политическо уровнэ.

Дрэ пэскиро джиибэ Всероссийско союзо ромэн пролыджия дрэван бари буты. Буглэс пролыджияпэ агитацыя ваш адава соб тэ чюрдэс фэлдытко джиибэ и тэ пириджяс прэ оседлость, сыс вымэкно прэ романы чиб прикхарибэ. (возванийэ. Адава сыс пэрво дрэ история романо печатно лыл, сыс вымэknэ дуй плакаты савэ прикхардэ ромэн тэ чюрдэс фэлдытка джиибэ и рома гынэ про оседлость). Ваш Всероссийско ромэнгиро союзо шундлэ на только одолэ рома, савэ дживэна дрэ СССР, нэ и дрэ Австрия, Венгрия, Румыния, Польша, и вавир строны, ёнэ вылыджинэ пэскиро лошалыпэ (рада) ваш романо союзо. Нэ адякэ сыр ангил союзо тэрдья бугло задэибэн, а на сыс подготовимэ кэ руководство ромэн, то Союзо дрэ 1928 бэрш закэрдяпэ, сари

союзоскири буты отгыя кэ Наркомземо, Наркомпросо и дрэ вавир учреждения. Дрэ пэскиро времё романо союзо бут влыджия нэвэ дрэ романо джибэ. Пирдал союзо бут рома полыне со сы пэстыр Советско власть и коммунистическо партия, сави камэл тэ вылыджяс ромэн про лачё дром, тэ фэдырьякирэс романо джибэ, рома полыне палсо советско власть марлапэ одолэ манушэнца, савэ дживэна пало трудяшшёнэнгиро думо тэ лыджяна паразитическо джибэ. Романо союзо розджянгадя соибнастыр ромэн дрэ саво ёнэ сыс бут шэла бэрша. Ёнэ лыне тэ вчивэнпэ дрэ организована ряды пало кэрибэ соцыалистическо обшщество.

Со кэрла ваш ромэнгэ коммунистическо партия и советско власть

Коммунистическо партия и советско власть заботисола ваш ромэнгэ тэ помогискирла тэ фэдырьякирэс романо джибэ. Сыс вымыкно специально декрето ВЦИК и СНК РСФСР пэровонэ октябрёстыр 1926 б. саво прикхарла ромэн тэ пириджян прэ бутитко оседло джибэн. Дрэ 1928 бэрш сыс издыно постановлениё ЦИК и СНК СССР саво припхэнэлас штэтытконэ пхувитконэ органэнгэ тэ прилэн активно буты дрэ помошшь трудяшшёнэ ромэнгэ, савэ пириджяна прэ штэтытко джибэ. Кэ адалэ мероприятия трудяшша рома отлыджянапэ камаибнаса. Трудяшша рома полыне со тэ дживэс адыкэ сыр ёнэ джиндлэ дрэ тагарискирэ бэрша нашты, и со покицы советско власть и коммунистическо партия помогискирла отачнэ трудяшшёнэ манушэнгэ тэ фэдырьякирэс джибэ треби кокорэнгэ тэ залэспэ обшщественно ползезнонэ бутяса. Окэ 1926 бэршэстыр лыя дыкхно, со ромэндэ барьёла камаибэ тэ пириджяс про оседло бутитко джибэ, со лэндэ сы камаибэ тэ пириджяс прэ оседло джибэ, со лэндэ сы камаибэ тэ залэспэ бутяса. Каждонэ бэршэса амэ дыкхаса со фэлдытка рома са бутыр и бутыр пирджяна про оседлость тэ залэнапэ бутяса.

Бут фэлдытконэ ромэн явэна дуратунэ штэтэндыр кэ романы редакция и кэ Наркомземо ваш адава соб лэнгэ помогискирдэ тэ лэс пхув, тэ откэрэс колхозы. Треби тэ пригалёс недостаткоса дрэ буты машкир ромэндэ, со на дыкхи прэ адава со бут ромэн камэн тэ чюрдэс фэлытко джиибэ, тэ откэрэс колхозы и дрэ адава рэндо ромэнгэ на помогискирна сыр треби одалэ организаци прэ савэ пасёла адава задэибэ Правительствоскиро постановление ваш адава собы сыр треби тэ помогискирэс ромэнгэ собы тэ пириджяс прэ пхув пхувитконэ органэнна пхэрдэс на выкэрдо. Бутэ-нца штэтытконэ органэнца на придыно кэ адава пучибэ сыр треби вниманиё и пиригыибэ прэ пхув про-гья самотекоса и на дыкхи прэ адава сата и акана пиро саро советско союзо гинэлапэ бутыр 30 романэ колхозы. Бутыдыр романэ колхозы сы прэ Северно Кавказо дрэ районы Пятигорско, Миниральны—Воды, колхозэ кхарлапэ „Труд Ромэн“ кай гинэлапэ 86 семьи. Адава колхозо акана пиригья дрэ коммуна, ёв гинэлапэ самонэ лачеса. Сы колхозы дрэ Краснодарско, Ейско, Сальско тэ Таганрогско районы. Сы колхозы инке прэ Украина дрэ Полтавско, Зиновьевско, Запорожско, Изюминско, Одеско, Первомайско, Херсонско районы. Сы колхозы дрэ западно и Ленинградско область тэ инке дрэ бут разна штэты. Дрэ екх только Молдавско республика рома пиригынэ про оседлость бутыр тысе-нца семьи.

Дрэ романэ колхозы сы гавитко хулаибнытка ма-шыны савэ трэби ваш обкэрибэ пхув, про тракторы кэрна буты кокорэ рома трактористы.

Буглякирлапэ индустриализация дрэ амари стро-на захтылдя и ромэн дро соцыалистическо строитель-ство. Рома кэрна буты прэ заводы: ДИНАМО, им. СТАЛИНО, москвошвее. Дрэ екх только Москва кэрна рома буты прэ фабрики и заводы бутыр сыр пандж тысенцы кхэтанэ адалэса дрэ Москва сы бутыр 28 ро-манэ промь слова артели, савэ выкэрна металлы, хими-мическа тэ хабнытка продукты, адякэ жэ сы бут

транспортна артели, лэвгэ бут помогискирдя Московско Совето ёв отмэкья 325 тысенцы ловэ ваш адава соб тэ кэрэс ромэнгэ кхэра. Прэ адалэ ловэ ужэ кэрдэ сы 49 бараки дрэ савэ сы 129 штубы. Отремонтирована 15 бараки тэ 23 шталы (конюшни).

Нашты тэ бистрэс само главно амаро задэибэ классово марибэ; бутыдыр бангэ тэ рипирэн ваша адава рома-комсомольцы. Барэ амарэ соцыалистическа тэмпы зоралэс марна классовонэ врагэн. Классово враго дыкхэла дрэ амаро успешно соцыалистичнско строительство пэскиро мулыпэ, и ёнэ сарэ зорьятыр камэн тэ тховэн кашт дрэ роты, собы тэ зрискирэс амаро соцыалистическо строительство. Классово враго сы машкир сарэндэ национальностендэ тэ машкир ромэндэ. И дрэван на чячес тэ думинэс адыкэ сыр думинэна варисавэ рома, со машкир ромэндэ кулокос нанэ. Классово ворого машкир ромэндэ сы романо кулако.

Романэ кулаки адыкэ жэ эксплоатируют чёрорэн ромэн, сыр эксплоатирует русско кулако руссконэн чёрорэн или сыр эксплоатирует башкирско кулако чёрорэн башкирэн. По кицы чёрорэ тэ середняки рома нанэ культурна и политическа отачнэ то рома кулаки камэн тэ уракирэн чёрорэ тэ сериднякэн ромэн, собы ёнэ на чюрдынэ фэлдытко джиибэ, собы рома тэ на джян дро колхозы. Амарэ кхэтано классово враго сы кулако, савэ бы насыс народностятыр: узбекско, романо и во-врэ сарэ ёнэ амарэ враги, савэнца амэ бангэ тэ лыджас марибэ. Амари партия и советско власть помогискирла бутитконэ ромэнгэ тэ ачес активнонэса строите-лэса дрэ соцыализмо.

Барьипэ дрэ романы культура

Романэчявэн дрэ СССР пире последня официальна подгиныбэна (17 декабрё 1926 бэрш) гинэлапэ бутыр 61 тысенцы манушэн джювлен и муршэн,

Картышово ударнико про Шарикоподшипнико



лэндыр пире РСФСР сы 41 тысенцэ 913 манушэн. Нэ треби тэ дэс дума, со адава подгиныбэн сы на пхэрдо. Амэ джинас амарэ ромэн, дрэ савэндэ дживэла камаибэ пхуранэ режимостыр, тэ сыкавэс пэс руссконэнца дарипнастыр, собы лэн тэ на традэн штэтостыр про штэто, со сыс дрэ тагаритко времё.

Рома авнэ дрэ революцыя особеннэс замардэнца машкир ваврэ национальностендэ СССР. Дрэван набари группа лэндыр залыпэ пхувьяса инке жыко революцыя, бутыр сарэстыр пире штэты дрэ бывшо Смоленско губерния.

Треби тэ пхэнэс со кхэтанэ адалэса, со рома лынэ тэ прикэрэн хулаибнытко джиибэн, сы дыкхно, со барьёла культурно буты. Можынаса тэ пхэнас, со культурно буты авья тожэ позже, сыр адава сыс ваврэ национальностендэ, нэ одолэстыр ёй зоралыдыр сыкавэла пэскиро барьипэ пало последня бэрша. Ромэндэ николи на сыс пэскиро лылварипэ, гин, со ёнэ сы сарэ жыко екх налымварэ. Одолэ сыклякирдэ рома савэ могискирдэ бы тэ лыджян культурно буты (лэн сы дрэван набут), на моискирдэ дрэ пэрво шэро тэ создэн пэскири национально школа тэ пэскири литература.

Пэрво моло дрэ саро джиибэн, адалэ мануша дро 1926 бэрш залыджинэ пэскиро лылварипэн. Сыс вывымэкно национально алфавито и сыкадя пэрво романо лав Всероссийсконэ Союзостыр Ромэн ко романэчявэ прэ пэскири романы чиб.

Дро 1926 бэрш дрэ Москва откэрдэ трин романэ школы. Дрэ пэрво моло пригыпэ тэ пролыджяс дрэван бари буты учительницакэ романэчякэ, тов. Дударово-накэ машкир ромэндэ тэ досыкавэс пхуранэ дадэнгирэ годенгэ, собы ёнэ тэ бичявэн пэскирэн чяворэн дрэ школа.

Пригыпэ тэ пролыджяс бари воспитательно буты машкир ромэндэ, тэ роспхэнэс лэнгэ адава со инке ёне николи на шундлэ: ваш гигиена ваш састыпэ чяворэн, ваш баро кофо сыкляибнастыр.



Сыклёнапэ дрэ лыла

Тэ коли пэрво вымэкэибэ романэ школатыр дрэ Ленинско районо дро 1929 бэрш дья кадры ваш ФЗУ тэ коли чяворэ гынэ на про тарго а тэ кэрэн буты прэ производство отэнчя рома пригалынэ саво баро кофо анэла сыкляибэ.

Кхэтанэ культурнонэ бутяса пролыджялапэ политическо просветительно буты дро клубы, долэ вэнглы и ваврэ культурна кхэра.

Дрэ Москва тэ дрэ ваврэ форья лыя тэ пролыджялапэ буты пире сыкляибэ дро лыла барэ манушэн,

пиро создыбэ кружкова бутя прикхарибэн дрэ производство бут тэрнэ романэчявэ, савэ псирнас дро клубы. Окэ адай дрэ культурно буты машкир ромэндэ про романо комсомоло пасёла задэйбэ тэ зорьякирэс культурно буты тэ хаськирэс налылварэн машкир ромэндэ тэ откэрэс кружки, ликбезы, политграмота и ад. дур. Дрэ-ван треби баро занчениё кэ романы школа, амэнгэ треби тэ откэрэс школы савэ могискирна тэ создэс культурна романэ кадры. Дрэ романэ организацыи романо комсомоло банго пиро пэскири инцыатива тэ бичявэн тэ сыклёс, собы тэ создэс пэскирэ учителен. Романы школа сгалёла тэ кэрэс ромэн нэвэнца советсконэ манушэнца.

Романы печать

Дрэ 1928 бэрш выгыя пэрво букварё ваш барэнгэ прэ романы чиб, саво чиндлэ Н. Дударова и Н. Панково — „НЭВО ДРОМ“. Саво издыно ВЧК ликбезо, пал адава букварё сыс вымэкно дро 1929 бэрш букварё ваш школа — „Джиды буты“, одолэ жэ авторы дро 1930 бэрш дынэ нэви бутитко лылвари ваш 2 бэрш сыкляибэн „Лолы Чергэн“.

Дрэ 1931 бэрш издэлапэ лылвари ваш 3 бэрш сыкляибэ. „Ангил кэ Буты“ А. Германо тэ Н. Панково.

Кхэтанэ адалэса Наркомпросо РСФСР прилэла сари зор ваш розкхуибэ тэ зоралякирибэ политическо просветительно буты машкир ромэндэ одолэ дромэса, со вымэкэла набарэ лылваря прэ романы чиб. Акана амэндэ сы издания, савэ вымэкнэ сы Цэнтриздатоса дро 1929 бэрш: журнало „Романы Зоря“ № 1 (1927 б.) статъенца ваш нацыонально политика СССР, ваш хулаибнытко буты прэ пхув, ваш буты джювлэн-романэчявен ваш романо клубо и школы, ваш романо лылварипэн и вавир. Журнало „Романы Зоря“ № 2 (1928 б.)

Дрэ романы школа.

ЗДЕСЬ - В ЛАГЕРЕ СОЦИАЛИЗМА - ВЗНИКЛИ
ДОВЕРИЕ И МИР, НАЦИОНАЛЬНАЯ СВОБОДА И РА-
ВЕНСТВО, МИРНОЕ СОЖИТЕЛЬСТВО И БРАТСКОЕ
СОТРУДНИЧЕСТВО НАРОДОВ.



статьянца ваш гавитко хулаибэ, ваш романо хуторо, ваш школы тэ адякэ дурыдыр.

Адалэ жэ пучебэна сыс тэ дрэ журнало № 3—4 „Романы Зоря“ (1930 б.).

Дрэ 1929 бэрш выгыя библиотека ваш набут лылварэ ромэнгэ, дрэ сави выгынэ адасавэ лылваря: Германо А. В. „Нэво Джиибэн“, Панково Н. А. „Буты и Джиньибэн“ и Дударова Н. А. „Пало Власть Советэн“. Окэ адасавэ лылваря сыс вымэкнэ жыко 1930 б. нэ 1930 бэршэстыр, создэлапэ романы секцыя дрэ Цэнтр-издато тэ вымэкэла лылваря прэ романы чиб. Пиро количество лылваря и пирэ печатна листы сыго лыя тэ барьёл.

Адякэ пиро Цэнтроиздато дро 1930 бэрш сыс вымэкво 30 печатна листы, дрэ 1931 бэрш выкэр-лапэ плано дро 125 печатна листы и дро 1932 бэрш сыкадо сы со кэ изданиё 210 печатна листы Дрэ плано вджяна адасавэ раздэлы: сыкляибнытко, обшшественно-политическо, ленинско-марксистко, гавитко хулаибнытко, производственно — техническо, антирелигиозно, сыкляибнытко-популярно, научно, художественно тэ периодика.

Треби тэ пхэнэс, со литература прэ романы чиб, сави вымэкны сыс дро 1930-31 б. бутыр сарэстыр сы пирилыджины гаджканэ чибатыр.

Романы секцыя дрэ Цэнтриздато скэдыя ромэн савэ пирилыджяна гаджканэ чибатыр прэ романы. Адалэ романэчявэ сы Московсконэ активостыр. Буты барьёла а кхэтанэ одолэса барьёла романэ авторска кадры. Жыко адава времё залэнапэ пирилыджибнаса т. т, М. Безлюдско, А. Германо, Н. Гладково, Н. Дударова. М. Н. Лебедева, Н. Панково, О. Панкова, И. Тимофеево и Лебедево Г.

Романэ секцыяса лынаскиро 1930 б. забияндыяпэ каждохёнытко журнало „НЭВО ДРОМ“ про штэто „Романы Зоря“.

Ангил редакцыя „НЭВО ДРОМ“ сы создыны лит-группа, сави вгыя дро МАПП'о.



Гинэна романэ лылваря

Адалэ набарэ сведения сыкавэна, сыр екхатыр выбария буты пире культурно строительство машкир ромэндэ пале последня бэрша. Акана могискираса тэ ракирас ваш прикхарибэ кэ буты сарэ активно, ваш осознаниё кокорэ романэчявэнца пэскири нацыональ-ность, савьятэ сы право про сушествование кхэтанэ сарэ ваврэ нацыональностенца дрэ СССР. Нэ чячэ, пока пхэрдэс рома обухтылдэ культурнонэ бутяса сы дрэ нэбут штэты. Бутыр сарэстыр кэрдо сы пире Москва, кай акана сы 3 романэ школы, чяво энгиро садо и плошшядки, романо клубо, ликбезо, производ-ственна артели тэ организовано втырдымэ ромэн дрэ буты про производство. Саро адава помогискирла

воспитаниёскэ ромэн пирдал штэтытка профсоюзна органы и ваврэ органы. Дро провинция адая буты пролыджялапэ пхарыдыр пирдал адава, со рома тэрдэ про штэты набарэ кучкэнца. Дро последнё времё Областно отдело пироманушэнгиро образованиё дрэ Западно Область ужэ прилыяпэ пало культурно буты машкир ромэндэ, савэ дживэна оседло пиром Смоленско область.

Гара пролыджияпэ буты машкир ромэндэ, савэ дживэна дро Крымо, кай дро Симферополё 1929 бэршэстыр откэрдо сы романо клубо, саво пролыджяла буты машкир штэтытконэ ромэндэ-кузнецэндэ или сыр лэн одой кхарна „демерджи“ одой жэ откэрды тэ романы школа, ч ворэнгири площшядка тэ ад. дур. Адасави жэ буты пролыджялапэ тэ пиром ваврэ форья. Нэ барэ пхарипнаса дрэ адаа буты сы одова, со нанэ нацыональнэ культурнонэ бутярен. Жыко адая пора ромэн, савэ могискирдэ бы тэ пролыджян адая буты могискираса тэ пиригинас пиром ангушта (пальцы). Задэибэ дрэ Наркомпросо РСФСР тэ областно отдело ваш манушэнгиро образованиё сы дрэ адава, собы тэ подготовинэс кадры, тэ бичявэс тэрнэ романэ чявэн дро техникумы дрэван жэ прэ педагогическа, про рабфаки. Жыко адая пора кэрласпэ дрэван набут. Адасавэ задэибнаса сы подготовка культурнонэ бутярен ваш школа тэ ваш полит-просветительно буты тэ ликвидация на лылыварипэ (налылварэн сы машкир ромэндэ жыко 99%) инке организаця ваш научно изучениё ромэн.

Адалэ барэ задэибэна тходэ ваш выкэрибэ дрэ адава панджбэршытко плано.

Акана тэрдо сы задэибэн тэ скэдэс романо фолоклорно народна парамыси, гия и вавир со зорало спхандло романэ гияса и романэ нацыональнэ музыкаса.

Хохано романо искусство, саво кхарлапэ лавэса „цыганшшина“, сыр буржуазно культура ангил тагаристэ, ужэ отджиндя пэскиро времё. Прэ лакиро штэто авья чянюны нэво романо искусство. Дрэ адава рэндо джя-

ла бари буты, пролыджяла ла акана Нарккомпросо РСФСР. Дрэ адава бэрш откэрдэпэ госуударственно романо театро-студия романо передвижно (Треби тэ дэс дума, со сыго амэ удыххаса сыр национально романы музыка тэ гилы пирибияндёла, со дэла возможность сарэ бутитконэнгэ тэ отиминякирэс барвалыпэ дрэ романы национальность).

Сы дыкхно, со культурно строительство машкир ромэндэ залыпэ тэ розкхувэлпэ са сыгыдыр тэ буглыдыр. Барэ пхарипэна, савэ тэрдэ про дром сы одолэстыр, со рома отачнэ, и лыджяна жыко акана лодло джиибэ саво инке нанэ хаськирдо и на ухтылна кадры. Вавир намиштыпэн сы дрэ одова, со ваш ромэнгэ набут думинэна штэтытка органы. Саро адава на дэла право тэ ракирэс ваш лачё состояниё дрэ культурно строительство.

Нэ треби тэ джинэс одова чячюно энтузиазмо, саво заухтылдя акана сарэ активна романэчявэн, одова стремлениё сыр бы сыгыдыр тэ издживэс саро пхурано пхаро джиибэ, саво ачьяпэ тагарестыр, саво инке акана сы машкир ромэндэ, собы могискирдям патяибна-са тэ дыкхэс прэ англатуно джиибэ тэ тэ патяс, со адава энтузиазмо тэ стремлениё кэ творчество дэла сыгыдыр тэ пирилыджяс сарэ пхарипэна и дэла тэ пролыджяс нэвэ формы дрэ джиибэн и творчество свободнонэн романэчявэн.

**Постановлениё президиумоскиро
Всероссийско
Цэнтрально
Исполнительнонэ
Комитетос**

„Ваш буты машкир трудяшшёнэ ромэндэ“

Пиро зашундло докладо, саво сыс кэрдо инструктороса президиумоскирэ ВЦИК тов. Поповонаса ваш адава, сыр лыджялапэ буты машкир трудяшшёнэ ромэндэ, Президиумо ВЦИК гинэла, со прэ постановлениёскири основа ЦИК и СНК

Союза СССР 1 октябрёстыр 1926 бэршэстыр „ваш адава собы тэ помогискирэс тэ пириджас фэидытконэ ромэнгэ кэ бутитко оседло джиибэ“ и ВЦИК'о и СНК РСФСР 20 июнёстыр 1926 б. „ваш адава собы тэ дэс пхув одолэ ромэнгэ, савэ джяна прэ оседло джиибэн. Отдельна трудяшшёнэ ромэнгирэ группы кэрдэ колхозы и втырдынэпэ дрэ промышленность и промыслово кооперация.

Адалэстыр со рома прилынэ лылыварипэ и со амэндэ розкхувэлапэ культурно-просветительно буты прэ родно чиб дрэ романы трудяшшя масса выбария политическо полэйбэ и активность. Трудяшшя рома дрэ тагарискирэ бэрша със отри-скирдэ производственонэ джиибнстыр, а акана трудяшшёнэ ромэндэ сы можыма тэ авэс активнонэса дрэ политическо, хулаибнытко и дрэ культурно строительство дрэ амари стропа.

Нэ сата-ки пало адава со кой савэ цэнтральна ведомства и штэтытка исполкомы и советы на придынэ баро вниманиё ваш буты машкир ромэндэ и пирдал адава рэндо пиро прикэ-рибэ ромэн кэ буты и пиро соцыально и культурно помошшэ ромэнгэ на буглыя адакэ сыр банго тэ буглёл. Ваш влыджяибэ трудяшшёнэ ромэн дрэ промышленность и совхозно колхозно строительство и ваш адава собы тэ зорьякирэс культурно и джиибнытко буты машкир ромэндэ Всероссийскоэ Цэнтраль-нонэ Исполнительноэ Комитетоскиро президиумо тховэла:

1

Тэ сыкавэс НКЗ(е) москэ РСФСР собы ёв розкэдыя и влыджия дрэ Совнаркомо РСФСР плано пиро пхувитко утхо-ибэ ваш трудяшшёнэ ромэнгэ ваш компактно бэшыбэ прэ пхув и тэ отлыджас ваш адава государственнонэ пхувитконэ фондо-стыр и тэ создэс ваш адава рэндо материально и техническо база.

2

НКЗе москэ и Колхозцэнтроскэ РСФСР, а адякэ жэ Исполкомэнгэ и советэнгэ:

а. Тэ узорьякирэс организационно — хулаибнытка романэ колхозы савэ ужэ сы, тэ сыкавэс и тэ розпхэнэс ваш буты дрэ романэ колхозы, буты пиро втырдыпэ ромэн дрэ колхозы тэ кэрэс собы ромачэ колхозы тэ явэн нэвэ колхозэнгирэ

организацыенца. Собы адалэ колхозы лыджинэ буты машкир фэлдытконэ ромэндэ палосёдло джиибэ. Тэ буглякирэс буты дрэ романэ колхозы пиромычюрдыпэ классовонэ ворогэн колхозостыр, одолэн савэ сы на пэскирэ бутитконэ классоскэ.

б. Тэ придыкхэс саромытреби ваш зоралякирибэ дрэ романэ колхозы (финансированиё, кредитированиё тэ дэс машыны и бутяритко ското).

в. На дурэдыр чёнэстыр тэ продуминэс и тэ пролыджяс саромытреби ваш адава, собомытэ подговинэс колхознонэ бутярэн трудяшшёнэ ромэндыр.

г. Дрэ 1932 бэрш тэ розкхувэс рэндо пиромывтырдыпэ трудяшшёнэ ромэн савэ джигэнэ ремесло (кузнецы, лудильщики, шорники и ад. дур) прэ буты дрэ мастерска МТС и колхозы пашыл адалэса тэ газдэс лэнгири квалыфикацыя тэ подговинэс трактористэн трудяшшёнэ ромэндыр.

Всекопромсоюзоскэ:

Кхэтанэ адалэса, сомытрудяшшя рома вчывэнапэ дрэ промыслово кооперация тэ тэ прилэс сарэ меры кэ организацыонно хулаибнытка узорьякирибэ одолэ артели савэ сы и тэ ожужыкирэс (очистинэс) одолэ артели на пэскирэндыр пиромыклассомычюжды элементы. Тэ кэрэс собы романэ артели на мардэпэ бы сырьёса, трэби тэ создэс средства ваш кхэритко строительство оборудованиё и механизация мастерска, тэ газдэс дрэ романэ артели массово обшшественно и культурно просветительно буты, тэ создэс романэ кадры дрэ промыслова кооперация, тэ откэрэс школы (ШУМП, ФЗУ) краткосрочна курсы.

5

Народнонэ комисариатоски пиромыбуты РСФСР:

Кхэтанэ адалэса ВЦИК 10 октябрёстыр 1931 бэршэстыр ваш адава сыр пролыджялапэ партиякири и правытельствоскири дериктивы ваш создыпэ нацыональна бутяритка кадры дрэ АССР и дрэ автономна области пиромыподготовка кадры ваш промышленность прэ 1932 бэрш тэ придыкхэс подготовка машкир ромэндэ собомытэ создэс квалифицырованна кадры трудяшшёнэ ромэндыр.

Тэ пхэнэс штэтытконэ исполкомэнгэ и советэнгэ коли лэна тэ пролыджалпэ дро джибэ ВЦИКоскиро постановлениё 10 декабрёстыр 1931 бэршэстр тэ придыкхэс втырдыпэ дрэ промышленность и дрэ совхозы трудяшшёнэ ромэн.

6

Наркомпресоскэ РСФСР:

Дрэ набаро сроко тэ позабутякирэс мероприятиё ваш обухтылыбэ сыкляибнаса сарэ ромэн прэ родно чиб дрэ 1932 бэрш дрэ сарэ шіэты, кай дживэна бут трудяшша рома тэ откэрэс ваш лэнгэ школы интернатэнца. Тэ откэрэс дрэ 1932 бэрш курсы пиро подготовка и пириподготовка педагогическа кадры трудяшшёнэ ромэндур и тэ откэрэс романо отделениё дрэ екх Московско педагогическо техникумо, тэ обеспечинэс романэ школы учебникэнца и сыкляибнытконэ пособиенца прэ родно чиб.

Тэ дэс штэты дрэ средня и уче сыкляибнытка заведения и бутитка факультеты трудяшшёнэ ромэнгэ. Тэ фыдырякирэс материально стропа романо театро дрэ Москва. Тэ розбутякирэс плано обслуживаниё дрэ романэ колхозы и промыслова артели.

Адава романо театро банго тэ выджял прэ штэты, тэ узорьякирэс вниманиё прэ романо театро дрэ лэскиро художественно и административно руководство.

7

Наркомздравоскэ.

НКЗдравоскэ тэ буглякирэс састыпнытко розкхуибэ романэ колхозникэндэ зоралэдыр тэ розкхувэс буты пиро за раххибэ джювлен-даен тэ тыкнэ чяворэн ваш адава, собы романэчяя могискирдэ тэ тэ кэрэс буты дрэ колхозы и дрэ промышленность.

Председателё Всероссийско Центральнонэ Исполнительнонэ Комитетос М. И. КАЛИНИНО.

Секретарё Всероссийско Центральнэ Исполнительно Комитетос А. КИСИЛЁВО

МОСКВА, КРЕМЛЬ. 1 апрелёс 1932 б.

Комсомоло пирэ культурно тэ хулаибнытно строительство машкир ромэндэ.

Победа пролетарсконэ революцыя дрэ амари стро́на, практическо пролыджяибэн Ленинско нацыонально политика ВКП(б) бутяритконэ классоса СССР дынэ пхэрдэ свобода одолэ нацыенгэ тэ народэнгэ СССР, савэ сыс притасадэ и замардэ.

Одова со амэ кэрдям политическо экономическо и культурно, газдыпэ пирдал адалэ успехи пролетариато домардяпэ кэ одова со сарэ кхэтаниякирнапэ и дэна пхэрдо патыв коммунизмскэ бутитконэндэр сарэ национальностен.

Одова со буглэс джяла промышшленно строительство дрэ национальна республики и области, а адякэ жэ барэ успехи пирэ соцыалистическо пирикэрибэн дрэ гав, адякэ жэ тэ одова, со пирибияндынэ тэ лынэ буглэс тэ барьён национальна культуры, савэ векэнца тасадэпэ кралиса, адава сыкавэла сыр, джяла интернационально кхэтанэибэ манушэн СССР.

ВЛКСМ прилэлапэ активно дрэ сарэ рэнды хулаибнытно тэ культурно строительство дрэ нацреспублики и домардяпэ кэ барэ успехи. Ёв обухтылдя пэса буглэс бутяритко тэ крестьянско тэрныпэ, саво сыс угнетеннонэ нацыенца, ёв вылыджия барэ кадры машкир национальнонэ тэрнэ манушэндэ прэ паргийно комсомольско, профессионально, советско, хулаибнытно тэ культурно буты.

Дрэ битангипнаскиро марибэ национализмоса и шовинизмоса ВЛКСМ домардяпэ кэ барэ тэ пхэрдэ успехи дрэ хаськирибэ одоя холы, сави сыс жыко адава машкир разнонэ национальностендэ.

Комсомоло прикхардо тэ скхэлэл бари роль дрэ пролыджяибэн ленинско национально политика дрэ паритя, дрэ бугло барьипэ хулаибнытно тэ культурнонэ строительство манушэн СССР.

Социалистическо строителство СССР откэрла барэ дрома ваш промышленно барьипэ дрэ национальна окраины тэ нацреспублики. Организации ВЛКСМ прилэла само джидо учястие, собы одова со сы тходо планоса със бы пролыджино. ВЛКСМ дрэ пэскиро времё дэла пэстыр ваш адава строителство бутяритка кадры тэрнэндыр, адалэса создэнапэ разнонэ национальностендыр буглэ пролетариатос кадры.

Одой, кай кэрнапэ нэвэ фабрики, заводы, шахты, саструнэ дрома, электростанции, комсомольцы бангэ тэ сыкавэн сыр треби пиро социалистическо тэ поджяс кэ буты, ваш адава треби сарэнгэ жыко екх тэ прилэспэ пало соцсоревнование и ударничество, тэ прилэспэ пало раххибэ сырьё и строительна материалы и инструменты.

Нэвэ бутя пиро дорэсэибэ природна барвалыпэна, сарэ нэвэ строителствоса дрэ нацреспублики и области бангэ тэ явэн сыр бы чяченца Ленинсоконэ комсомолос, комсомоло банго тэ заботисол ваш саро адава.

Гавитко комсомоло банго тэ явэл дрэ пэрва ряды, организатороса пиро совхозы, колхозы, банго тэ сыкавэл, сыр куч треби дрэ гавитка хулаибэна дрэ нацреспублики тэ области тэ влыджяс кофитка техническа культуры (хлопко, лёно, чяё, кирки и адыкэ дур.), а кай треби тэ розлыджяибэн скотос. Комсомольска организации бангэ тэ авэн помошшникэнца паритякэ тэ советсконэ властякэ дрэ лакири буты тэ отмарэс фрэнтыма тэ холы буржуазнонэ и капиталистическонэ элементэндыр дрэ национально гав.

Буты комсомолос дрэ советы пиро нацреспублики тэ области сы дрэван куч. Адакицы сы куч тэ адава, со комсомоло пролыджяла воспитательно буты машкир советсконэ активостэ дрэ национально гав.

Тэ газдэс буты дрэ колхозы дрэ хулаибнытко культурно строителство, тэ зорьякирэс дрэ советы зор чёрорэн, батракэн тэ колхозникэн.

Тэ пролыджас кхэтанэ советсконэ органэнца подготовка тэ бичявэс тэрнэ кадры прэ постоянна буты дрэ романэ колхозы тэ ваврэ организаци.

Самонэ барэ задэибнаса комсомолостэ сы адава, соб тэ кэрэс и тэ буглякирэс национально культура, „национально пире форма тэ социалистическо пире содержаниё“. Треби тэ дыкхэс, собы национальна культуры баринэ, сыр екх часть дрэ саро кхэтано социалистическо строительство дрэ СССР. Дрэван треби тэ лыджас марибэ активнэ классовонэ ворогоса, саво камэл тэ зрискирэс национально культурно строительство манушэн СССР, саво камэл культуратыр тэ вылэл пролетарско ило, саво камэл собы екх культура на кхэтанякирдяпэ вавряса, собы екх культура ничи на дья, пэстыр ваврякэ.

Одова со бутитка рома нанэ лылварэ сы само баро намиштыпэн дрэ социалистическо строительство тэ пирдал адава сыкляибэн грамотакэ сы само баро пэрво тэ куч задэибэн дрэ культурно революция машкир ромэндэ. Комсомоло банго тэ пролыджал сарэ шэритко сыкляибэн грамотакэ машкир ромэндэ.

Собы тэ пролыджас панджбэршытко плано дрэ хулаибнытко тэ культурно строительство трэби тэ подготовинэс тэ высклякирэс барэ кадры квалифицированнэ бутярэн дрэ сарэ области соцстроительство.

„Классово враго активнэс зоралякирлапэ тэ лыджал пал пэстэ художественно тэ политическо литература тэ саро нацискусство, адава марибэн зоралэс дрэ национальности. Национально буржуазно интеллегенция инке дрэ прогынэ капиталистическа бэрша зоралякирдя пэс. Адава тховэла длуго прэ комсомоло тэ авэс прэ стрэга и тэ лыджас марибэ, тэ вымарэс зорятыр классовонэ ворогос дрэ искусство тэ дрэ литература, битангипнаскиро тэ сыкавэс лэнгири холы дрэ сарэ лакирэ формы тэ фрэнтыма.

Треби тэ лыджас марибэ одолэ уклонэнца, савэ сы дрэ одова, со мануша хоханэс прибарь-

якирна пэскири особенности тэ забистрэна одова баро тэ кхэтано, саво спхандэла машкир пэстэ советска республики тэ промышленна районы советсконэ союзос.

Ёнэ, адалэ мануша забистрэна амари соцыалистическа задэибэна.

Адава уклоно лыджяла кэ отрискирибэ соцыалисмостыр тэ кэ пирибилныпэ дрэ буржуазна нацыональности.

Сталино

Активо нацорганizaцыендыр Союзо банго тэ сыклякирэлпэ дрэ марибэ адалэ уклонэнца прэ Ленинско нацполитика, треби тэ сыклякирэлпэ, тэ авэс дрэ шэро бутяритконэ тэрнэ манушэндэ тэ тэ лыджяс лэн прэ адава, соб тэ выкэрэс соцыалистическа задэибэна.

Задэибэн тэ втырдэс бутяритконэ тэ батрацконэ тэрнэ манушэн дрэ ВЛКСМ треби тэ зорьякирэс, пролетарско лыджяибэн дрэ романэ организацыи адава сы дрэван куч тэ баро рэндо. Треби тэ зорьякирэс барьипэ ВЛКСМ, нэ треби тэ на домэкэс подпарибэ дрэ классово линия дрэ барьипэ.

Надыкхи прэ барэ успехи дрэ хулаибнытко, политическо тэ культурно строительство дрэ нацреспублики тэ области сатаки инке амэ на отгыям нацыональнэ неравенствостыр тэ адава сы одолэстыр, со амэнгэ пирдал историческо развитиё доачьяпэ пхуранэ бэршэндыр саво екх нацыональность велико-руско кэрдяпэ бутыр ваврэ нацыональностендыр сыклякирды тэ политически тэ обшшественно. Адатхыр джяла фактическо неравенство, саво нашты тэ издживэс дрэ екх бэрш, нэ саво банго тэ наявэл.

„Ваш адава треби отсталонэ народэнгэ тэ дэс хулаибнытко политическо культурно помошшь“

Сталино

Окэ пролыджяибэн 5 бэршытко плано индустрилизация СССР и соцыалистическо реконструкция дрэ гавитко хулаибэн сы дрэван куч ваш адава, со адалэстыр хаскираса неравенство машкир нацыо-

нальностендэ СССР. Буглэ барьипэ дрэ соцстроительство отсталонэ нацыональностенгэ тэ дорэсэс дрэ экономика а культура одолэн нацыональностен савэ угэнэ упрэдыр. Адатхыр марибэн пало 5 бэршытко плано сы марибэ пало хаськирибэн нацыонально не-равенство машкир нацыональностендэ дрэ Советско Союзо.

Барэ успехи дрэ социалистическо строительство лыджяла кэ зорьякирибэ пшалытко бутя народэн СССР, зорьякирна интэрнацыонально спхандыпэн машкир бутярэндэ, машкир партия тэ комсомоло. Кхэтанэ адалэса классово ворого, савэ бы нацыональностятыр ёв на сыс (кулако, нэпмано бывшо-помешшико, рашай мулла, ксендзо тэ контрреволюцыонно интеллегенция) зорьякирлапэ тэ хаскирэс хулаибнытка Советско вла-стякирэ партиякирэ культурна тэ политическа рэнды, зорьякирлапэ тэ раххэл пхурано экономическо, бы-тово тэ культурно обычяё, ваврэ лавэнца: чёрорипэ, темнота машкир бутитко нацыональна окраины тэ рес-публики тэ ирдал адава розхачькирла нацыонально холы, адалэса ёнэ зорь кирнапэ тэ зрискирэн нацыо-нально политика. Адава зорьякирла уклоно дрэ строна великодержавно шовинизмо тэ штэтыко нацыонализмо сыр дрэ партия адыкэ тэдрэ дрэ ряды ВЛКСМ

Дрэван треби тэ зорьякирэс марибэн уклонэнца дрэ нацыонально пучибэн дрэ комсомольска ряды: Адай уклоно дрэ строна великодержавно шовинизмо сы само баро траша бэ дрэ партия, адыкэ и дрэ комсомоло.

Уклоно кэ великодержавно шовинизмо сы дрэ на пригалыпэ нацыонально чиб, нацыонально культура, бы-това особенности манушэн. Уклоно сыс дрэ камаибэн тэ на дэс нацыонализировать госапарато, школа, прес-са, (печать), дрэ камаибэн тэ лыджяс кэ ликв дацыя нацыональна области тэ республ ки дрэ камаибэн тэ на дэс ихэрды тимин бутякэ машкир батракэндэ тэ чёрорэндэ.

Уклоно кэ великодержавно шовинизмо сыкавэла со классо, саво отдживэла пэскиро веко, саво джиндя

раса адава классо камэл тэ рискир палэ нашадэ ряды. Пашыл адалэса великодержавно уклоно чястэс **пири-чюрдэлапэ интернацыолизмоса** и заухтылла вавир моло комсомольцэн.

Треби зорало марибэн штэтытконэ нацыонализмоса. Уклоно адава можно тэ удыххэс дрэ камаибэн тэ за-кэрэспэ дрэ пэскири нацыонально скорлупа, дрэ под-паруибэ пролетарско содержания нацыональнэ куль-тураса прэ буржуазно тэ адякэ дурыдыр. Уклоно кэ штэтытко нацыонализмо дрэ партийна комсомольска ряды сыкавэна пэскири идеология отмэнэ классэн, савэнгэ на кэрлапэ соцыалистическо наступлениё про-летариатос тэ савэ кхэлна про васт интервенцыякэ.

Амарэ задэибэна сы дро адава, соб тэ сыкляки-рэс трудяшшёнэн ромэн дро коммунистическо духо ваш адава ужэ сы условия сыр, — школа, театро, печать тэ сари культурно просветительна учреждении прэ родно чиб. Комсомольцо банго тэ тэрдёл дрэ шэро дрэ адава рэндо, саво зорьякирла интернационализмо дрэ ману-шэндэ СССР. Комсомольцо тэрдо ангил прэ марибэн нацыонализимоса. Комсомольцо банго тэ лыджял марибэ соб тэ на явэн буржуазна камаибэна разнэ нацыональ-ностендэ, савэ камэн тэ подтховэс соцстро тельствоскэ нацыональна кошэбэна. Комсомоло банго тэ тэрдёл пало уче тэмпы дрэ индустриализация, тэ пролыджял сплошно коллективизация СССР тэ прэ адая база тэ пролыджяс ликвидаця кулакос сыр классо. Дрэ ма-рибэ разнэ оппортунистическонэ уклонэнца бангэ тэ кэрэл Ленинско интернационально единство тэ кхэта-наибэ дрэ пэскирэ ряды.

Только пролетариато пирдал пэскири диктатура поджяла кэ свобода ваш замардэ нацыенгэ, только пролетариато хаськирла нацыональна кошэбэна савэ кэрнапэ буржуазияса ваш пэскиро кофо.

Пролетариато СССР тэдо васт Ленинско партия ужэ домардяпэ кэ барэ успехи.

Комсомоло тэ одова поколениё, савэс лыджяла комсомоло прикхардэ тэ пролыджяс соцыализмо тэ

тэ долыджян экономика тэ культура манушэн СССР жыко адасаво барьипэ, саво инке на сыс дыкхно дрэ манушаны история. Комсомоло прикхардо тэ укрепи- нэс СССР сыр на сокрушымо оплото тэ опора ваш сарэ замардэ нацыенгэ тэ манушэнгэ дрэ саро свэто дрэ марибэ империализмоса.

Марибэ антицыгнизмоса

Тагарискири Россия сыр амэ джинас сыс тюрьмаса ваш тыкнэ национальностенгэ.

Тагарискири национально политика сыс дрэ адава, собы тэ вымыджяс холы машкир трудяшшёнэ нацио- нальностендэ тэ рискирэс дро насыкляибэ.

Кхэтанэ адалэса сарэ трудяшшёнэ национальнос- тендэ на сыс ни савэ политическа правы, лэн на до- мэкэнас тэ дживэн дрэ барэ форья (кэ примеро евреи и ваврэ) на домэкэнас кэ буты дрэ государственна уч- реждении.

Тагарискиро правительство розтходя пэскирэн рус- сконэн чиновникэн дрэ национальна штэты.

Сари адая национально политика лыджия кэ адава, собы тэ рикирэс дрэ пэскирэ васта отачнэ националь- ности, собы ёнэ на газдынэпэ прэ тагарискиро прави- тельство. Адавы треби сыс ваш буглы эксплоатацыя трудяшшёнэ национальностен, треби сыс тэ пролыд- жяс машкир лэндэ руссификацыя, ваврэ лавэнца ёнэ камнэ тэ кэрэн манушэн на руссконэ национальностен- дыр руссконэнца.

Тагарискиро правительство на пригалыя тыкнэ национальности пал манушэндэ и присыклякирдя рус- сконэ манушэн тэ дыкхэн прэ тыкнэ национальнос- тендэ прэ ромэндэ, евреендэ тэ адякэ дурыдыр сыр на прэ манушэндэ.

Русска помещики тэ буржуазия рикирдэ пэс ху- ланца пиро сари Россия, кэ адава жэ присыклякирдэ сарэн тёмнонэн руссконэн манушэн тэ дыкхэн прэ ро- мэндэ сыр прэ чёрэндэ. Буржуазия бандякирдя ромэн,

со ёнэ на кэрна буты и лыджяна фэлдытко джиибэ, дживэна хохаибнаса, чёрибнаса ад. дур. Ангил жэ дрэ адава, со рома догынэ кэ адасаво джиибэн банги кокори буржуазия, ёй на домэкья ромэн тэ дживэс про екх штэто тэ тэ залэспэ бутяса.

Адыкэ жэ буржуазия отлыджияпэ кэ сарэ трудяш-
шя нацыональности. Буржуазиякэ дрэ адава дрэван по-
могискирдэ рашая, школы, печать, Ёнэ пэскирьяса бур-
жуазнонэ печятяса змакхнэ якха трудяшшёнэн, ракирдэ
со тагарискиро правительство заботисалыя ваш сарэ
нацыональностенгэ.

Буржуазно печать прикхардя тэ шунэс тагарис.
Ёй ракирля, со тагари сы тходо дэвлэса, со треби тэ
шунэс барвалэн тэ ад. дур. тэ адай жэ зорьяса отлэ-
лас сама лаче пхувья башкирэндыр, киргизэндыр тэ
пиридэлэс руссконэ помещшикэнгэ тэ кулакэнгэ. Вэри-
пираса сыр тагарискиро правительство пэскирэнца хэ-
ладэнца тасадя одолэ нацыональности, савэ на камнэ
тагарискиро тасайбэ тэ лыджинэ нацыонально осво-
бодительно марибэ: тагарискирэ хэладэ умарнас тру-
дяшшёнэн, схачькирнас нацыональна гава.

Акана жэ ангил Советско власть каждонэса бэршэ-
са са тыкныдыр тэ тыкныдыр тэрдёла налылварэн
манушэн, машкир лэндэ лыджялапэ дрэван бари куль-
турно просветительно буты.

Трудяшшя рома зоралэс тэрдэ пало соцыалисти-
ческо строительство. Машкир ромэндэ буглэс пролыд-
жялапэ соцсорёвнованиё и ударничество. Прэ ромэдэ
ужэ на дыкхэна сыр прэ чёрэндэ, бутяритко классо
прилэла трудяшшёнэн ромэн пало пэскирэндэ пшалэн-
дэ, машкир савэндэ тэрдэ екх задэйбэн-тэ кэрэс соцыа-
листическо обшшество.

Акана, коли бутитко классо тэ сарэ трудяшшя
СССР прикэрна пэскиро хулайбэ прэ соцыалистическо
ладо, адава кэрибэ подлыджяла амэн ко классово ма-
рибэ амарэ ворогэнца. Амарэ классово вороги шукар по-
лэна, со с цыалистическо строительство вытасавэла клас-
совонэ ворогэн зорьятыр. Каждо амаро нэво колхозо,

совхозо, машинно-тракторно станция сы мулыпэ ваш кулакоскэ. Акэ пал адава амарэ классово враги лыджяна амэнца марибэ, ёнэ камэн тэ зарискирэн амаро социалистическо строительство.

Собы тэ зарикирэс строительство амарэ классово вороги камэн тэ пролыджян национально кошыбэ. Ёнэ пришунэнапэ ко ракирибэна **отдельнонэ партийнонэ членэн комсомольцэн**, савэ чячюнэс на полынэ лениноскири нацполитика и ракирна, со акана пригыя времё, коли на треби тэ лыджяс буты прэ национально чиб. Сыр примеро прэ Украина, кай пролыджяна сари буты прэ украинско чиб, кай школы сыклёна прэ украинско чиб так адалэ мануша дрэ амари партия, на камэн адава тэ пролыджяс. Адалэ манушэн амэ кхараса великодержавно шовенистэнца. Адалэ коммунисты на полынэ чячюны ленинско национально политика, акэ пал адава ёнэ змардэпэ чячюнэ дромэстыр. Ёнэ доракирдэпэ жыко адава, со пир лэнгиро треби тэ **обпарувэс** национальна области тэ республики школы и адякэ дурыдыр.

Амарэ классовы враги пользинэнапэ адасаво на-чячюнэ ракирибэнса тэ лыджяна адасаво ракирибэ машкир отачнэ манушэндэ.

Сы адасавэ факты: дрэ Витебско районо, школьно сыкляибнаскиро ракирла гавитконэ манушэнгэ, со рома сы амарэ враги.

Дрэ Сталинградско районо классово враго розмэкья ракирибэ ваш адава, со хаби сыр будто рома чёрна тыкнэ чяворэн и кэрна лэндыр сапуни газета „Борьба“ 24/V-1931 б.

Ваш налачё и на чячюно отношениё кэ колхозна рома стронатыр штэтытконэ организацыен кэ трудяшшы рома сы чиндло дрэ газета „Поволжеско Правда“ 14/IV-1931 бэрш сыр дрэ Сталинградско районо январё чёнэстыр лыджямапэ ракирибэ вашо двигателё. Сево про „накх“, а двигателё колхозоскэ на дэна. Колхозники рома на латхэна концо кай тэ домарэспэ ваш о двигателё. Райколхозсоюзом бичявэла колхозникэн дрэ

земотдело, а земотдело бичявэла дрэ райколхозсоюзо и адякэ дурыдыр.

Нацыональнэ буржуазиятэ адякэ жэ сыр и русконэ помешшикэндэ, фабрикантэндэ, заводчикэндэ сы екх-тэ заухтылэс дрэ пхэрдэ эксплоатацыя трудяшшёнэн и бутыдыр тэ рискирэс лэн дро пэскирэ васта и тэ лыджас машкир манушэндэ нацыонально рознь. Саро адава кэрдяпэ ваш адава, собы тэ отлыджас трудяшшёнэс классовонэ марибнастыр, собы тэ на дэс трудяшшёнэнгэ нацыональностэнгэ тэ пшалакирэспэ машкир пэстэ. Дрэ адава сы тагарискири нацыонально политика. И амэ джинэс, адасавьяса нацыональнэ политикаса тагарискиро правительство бут домардяпэ ваш пэскэ, бут разна нацыональности лыджинэ машкир пэстэ марибэ. Адалэ нацыональности на дыкхнэ дрэ ваврэ нацыональности пэскирэ пшалэн, савэн адякэ жэ тасавэла буржуазия. Адякэ отлыджияпэ русско буржуазия кэ разна тыкнэ нацыональности и присыклякирдя русконэ бутитконэ манушэн тэ дыкхэс адякэ прэ разна нацыональности. Адава кхарлапэ великодержавно шовинизмоса.

Октябрьско революцыя тходя трушыл прэ нацыонально рознь, прэ привилигии екх нацыональностей. Октябрьско революцыя дыя екх право сарэнгэ трудяшшёнэнэнгэ, савьятыр бы нацыональностятыр ёнэ на сыс.

Коммунистическо партия и советско власть дрэван бут помогискирла отачнэ нацыональностенгэ тэ газдэс лэнгиро джиибэн.

Амэ дыкхаса сыр газдэлапэ хулаи э дрэ нацыональна штэты, кхэтанэ адалэса барьёла нацыонально культура.

Ласа кэ примеро ромэн. Дрэ тагарискирэ бэрша ромэнгэ пригыяпэ тэ лыджас фэлдытко джиибэ, а акана Советско власть и коммунистическо партия помогискирла ромэнгэ тэ чюрдэс фэлдытко джиибэн и тэ залэспэ бутяса. Кажнонэса бэршэса трудяшша рома бутыдыр чюрдэна фэлдытко джиибэн, джяна тэ кэрэн

буты про фабрики и заводы, откэрнапэ романэ колхозы и адыкэ дурыдыр.

Прэ 16 партийно с'ездо тов. Сталино ракирдя ваш нацыонально тхуибэ, со акана дрэ СССР отачнэ нацыональности барьёна сыр дро хулаибэ, адыкэ жэ и дрэ культура, со дрэ СССР тыкнэ нацыональности на чюрдынэ и на отпхэнэнапэ нацыональнэ признакэндир. Барьёна дрэ нацыональна штэты хулаибэ тэ барьёла культура пире форма нацыонально тэ пире содержаниё соцыалистическо.

Октябрьско революция заухтылдя бут нацыональности налылваренца, бут нацыональностендэ, сыр ко примеро ромэндэ, на със пэскири школа, печать тэ ад. дур.

Только Советско власть дыя тэ откэрэл нацыональна школы, клубы лолэ вэнглы.

Партия и советско власть зоралэс марла адасавэн, савэ лыджяна холы прэ нацмено.

Партия и советско власть шукир джинэн состыр кой савэ рома на ачядэ инке фэлдытко джиибэ тэ партия джинэл, со дрэ адава банго тагарискиро правительство. Партия и советско власть тходя задэибэн тэ вылыджяс ромэн про нэво дром, прэ бутяритко джиибэн, тэ утховэс ромэн дрэ бутяритко организованно семья, тэ газдэс культурно уровнэ, тэ кэрэс ромэн активнэ строителенца дрэ соцыалистическо страна. Нэ танго, со машкир коммунистэндэ и комсомольцэндэ беспартийнэ манушэндэ, савэ на полэна одова со ёнэ бангэ тэ лыджяна буты машкир ромэндэ. Ёнэ бангэ сы тэ присыклякирэн лэн кэ буты. Нэ бут сы машкир коммунистэндэ и беспартийнэндэ савэ лыджяна антицыганизмо.

Дрэ адава бэрш дрэ Тверь със откэрдо сэндо. Руссконэ бутярен савэ лыджынэ антицыганизмо машкир ромэндэ бутярэндэ сэндыскирдэ. Рэндо със дрэ одова со дрэ форо Тверь бут сы прэ буты ромэн, буты лэндэ пхари. Ёнэ пролыджинэ мосто. Рома на отачнэ руссконэ бутярэндир. Пире пхурано слядо, саво ачядя та-

гарискиро строё, прэ ромэндэ дыкхэнас сыр на прэ манушэндэ, сарэ зорьяса камнэ тэ выдживэн ромэн бутядыр. Бутяри ром т. Пронино ракирдя про сэндо со кхардэ лэн „калэ рома“ ад. дур., ромэнгэ дэнас само пхари буты. Ромэнгэ отпхэндлэ дрэ фуражо, дрэ хабэ манушэнгэ, машкир лэндэ на пролыджинэ культурно интернационально буты.

Адасаво отношениё откэрдяпэ прэ сэндо. Пролетарско сэндо екхатыр стронатыр осэндякирдя бангэн манушэн тэ ваврэ стронатыр адалэ сэндостыр вылыджинэ, со треби ромэнгэ тэ помогискирэс и тэ облогкхякирэс бутяритко дром, тэ газдэс культурно уровнё и тэ помогискирэс ромэнгэ тэ чрюдэс фэлдытко джи-ибэн.

Рома партийцы, комсомольцы и сарэ романэ обшественники бангэ зоралэс тэ лыджян марибэ антицыганизмоса, амарэ классова вороги чёраханэс проухтэна дрэ амарэ пролетарска ряды и одой пролыджяна национально рознь, кхэтанэ адалэса амэ, бангэ адякэ жэ тэ лыджяс марибэ штэтытконэ национализмоса.

Партия и советско власть лыджяла и лэла тэ лыджял марибэ антицыганизмоса, ни саво привелигии нанэ екхэ национальностякэ. Антицыганизмо и штэтытко национализмо кхэлла про васт классовонэ вогоскэ.

Второ панджбэршытко плано

Пэрво панджбэршытко плано подлыджия база ваш дуратунэ тэ зоралэ соцыализмоскиро барьипэ.

Барэ природна барвалэпэна дрэ амари строна, большевистска тэмпы дро соцыалистическо строительство, активность дрэ буглэ бутяритка массы тэ чячюны партиякири линия дэна саро, соб тэ выкэрэс тэ тэ газдэс сацыалистическо хулаибэ пире второ панджбэршытко плано.

Акана амари строна поджяла кэ вавир панджбэршытко плано. Соса амари строна поджяла кэ вавир

панджбэршытко плано? Дрэ зоралы индустриализацыя амэ создаса пэскири база, а прэ учи техника пирикэ-расо амаро народно хулаибэ. Амаро советско Союзо тыкнэ гавитконэ хулаибнастыр пирикэрлапэ дрэ само баро прэ свэто хулаибэн. Пирдал коллективизацыя розкхувэлапэ совхозы и дрэ гав залыджялапэ нэви техника.

Адава сыкавэла со подрискирнапэ капитализмос-кирэ корни дрэ гав. Подрискирлапэ одоя зор, состыр барьёла капитализмо. Саро адава сыкавэла со пирдал Ленинско политика дрэ индустриализацыя тэ коллективизацыя пучибэн „кон конэс“ ачелапэ прэ амари стропа.

Дрэ саро амаро итого шукир дыкхно, со дрэ пэр-во панджбэршытко плано миллионы бутитконэн дрэ советско союзо муршытконэ бутяса тэ советско власть коммунистическонэ партияса тэ лакиро ЦК дрэ шэро тов. С галиноса затходя фундаменто ваш соцыалистическо экономика.

Кэ адалэ успехи амэ домардямпэ одолэстыр, со партиякиро ЦК пролыдяжия чячюны Ленинско линия тэ лыджия марибэ классовнэ влогэнца тэ лэскирэ аген-тэнца правонэ тэ левонэ оппортунистэнца.

Сарэ адалэ успехи помогискирна амэнгэ тэ дома-рэс классовонэ ворогэн тэ сыгыдыр тэ кэрэс соцыа-листическо задэибэн дрэ вавир панджбэршытко плано-сы дрэ адава, соб тэ хаськирэс капиталистическа эле-менты тэ сарэ капиталистическа классы, савэ мэкэна пэстыр капиталистическа корни; тэ пирикэрэс саро трудяшшя населениё сознательнөнэнса активнөнэнца строителенца, тэ кэрэс би классово соцыалистическо обшшество, адасаво сы второ пан жбэршытко плано.

Савэ жэ хулаибнытка задэибэна бангэ тэ кэрэн собы тэ выполнинэс дрэ второ панджбэршытко плано программа ваш кэрибэ соцыализмо?

Задэибэна дрэван барэ.

Тэ газдэс амари тэхника дрэ саро народно хулаибэ, собы СССР тэ залэл дрэ второ панджбэршытко плано пэрво штэто дрэ Европа дрэ техническо-экономическо

отношениё тэ на явэс зависимонэнца ваврэндыр стро-
нэндыр. Бутыдыр сарэстыр амэнгэ треби тэ роз-
решинэс машиностроениё. Машыны газдэна амаро
хулаибэ.

Машыны треби тэ выкэрэс бутыдыр дро 3 — 3¹/₂
молы, адякэ жэ банго тэ выбарьёл элэктростроениё
тыкныдыр сыр прэ 100 милл. мардэ, тэ домарэспэ, собы
тэ кэрэс о вангар 90 мил. тонны, жыко 250 млн. тонны.
Адякэ дрэ 2¹/₂ — 3 молы бутыдыр тэ выкэрэс нефть,
тэ пирикэрэс калы металлургия сави банги тэ дэл кэ
1937 б. 22 млн. тонны адякэ жэ треби тэ газдэс чюгуно
тэ цветно металлургия, химия, вэшытко промышленность
и ад. дур.

Буглякирнапэ саструнэ дрома, 25 — 30 тысенцы ки-
лометры нэвэ саструнэ дрома пролыджянапэ пире саро
СССР и бутыдыр сарэстыр дрэ нацыональна окраины,
кай дрэ тагарискирэ бэрша на сыс саструнэ дрома.

Барьипэ дрэ гавитко хулаибнытко машиностроениё
тэ химическа удобрения дэна саро ваш завершениё
соцыалистическо гавитко хулаибэ. Машынно тракторна
станцыенца обухтылэна сарэ колхозы

Треби тэ джинэс, со кэ 1932-33 бэрш авэла про-
лыджины сплошно коллективизация гавитко хулаибэ
тэ ликвидацыя кулакос сыр классо.

Вавир пандшбэршытко плано дурыдыр тэ инке
бутыдыр тэ сыгыдыр фэдырьякирла материально тэ
бытово джиибэ бутитконэ манушэн.

Треби тэ газдэс амари логкхи хабнытко промыш-
ленность кэ концо второ панджбэршытко плано дрэ
трин молы бутыдыр сыр сы дрэ 1932 бэрш. Са бу-
тыдыр тэ бутыдыр розкхувэлапэ кхэра ваш бутярэнгэ
барьёна культурна строительство. Пирдал сарэ амарэ
успехи амэ могискираса дрэ дэш бэрша тэ дотрадэс
тэ пиритрадэс капиталистическа страны.

Ваш саро адава соцыалистическо строительство-
скэ треби тэ подготовинэс бутитка кадры и бу-
тыдыр адалэ кадры трэби тэ создэс ваш тыкнэ нацыо-
нальности.

Кэраса соцуализмо дрэ пэскири страна, и кхэтанэ адалэса амэ на забистраса сарэсвэтытконэ пролетария-тос-революцы нерэн.

Амарэ победы марна закиро капитализмо дрэ саро свэто.

Амэ пролыджяса дро джиибэ второ панджбэршытко плано, кэраса соцуализмо дрэ СССР, адалэса сыгыдырякираса марибэ ваш сарэсвэтытко соцуализмо.

Индустриально розкхуибэ дрэ нацыонально районо дрэ второ панджбэршытко плано.

Народно хулаибнытко плано прэ 1932 бэрш прилыно нагара партияса и сессия ЦИК ваш баро розкхуибэ дрэ промышленность пиронацреспублики тэ дрэ автономна области, ваш дуратуно газдыбэ гавитко хулаибэ и розкхуибэ культурно строительство. Тэ пролыджяс адава плано прэ основа Ленинско нацыонально политика пхэрдэс обеспечинэла интересы отачнэн нацыональностен. Тэ газдэс промышленность дрэ отачнэ нацыональна штэты тэ пролыджяс саструнэ дрома. Ваш адава отмэкнэ ловэ прэ 9,5 процэнтэ. Украина — прэ 27,8 процэнтэ, Белоруссия — прэ 14,4%, Закавказьё — прэ 12,7%, Туркестано — прэ 28,9%, Узбекистано прэ — 33% и Татжикистано прэ — 26,1%.

Закавказско федерацыя домардяпэ сут дрэ народно хулаибэ. Нефть бакинско бутярнэ выкэрдэ дро дуй молы пашэса бутыдыр. Дро 1931 бэрш нефть прэ 30% (2.621 тысенцы тонны) сыс бутыдыр 1930 бэршэстыр.

Программа 1932 б. дрэван учедыр прогыне бэршэстыр. Тов. Куйбышево прэ XVII партконференцыя пхэндя со треби тэ домарэспэ тэ дорэсэс нефть прэ 10 млн. тонны (на гинэ Баку).

Дрэ Закавказска области гавитко хулаибэ сы дрэван куч одой барьёна техническа тэ субтропическа культуры, сыр хлопко. Дрэ марибэ ваш хлопково советско Союзоскири независимось, Закавказьё тховэла

ангил пэстэ задэибэ-тэ пирикирэс Закавказско федера-
цыя дрэ вавир 5 бэршытко адякэ собы ёй сыс второ
хлопково база дрэ амаро Союзо ССР. Адалэ задэиб-
наса Закавказско пролетариато сыго справинэлапэ:
Ужэ дрэ 1931 бэрш дрэ ЗСФСР скэдыя прэ бут буты-
дыр прогыне 1930 бэршэстыр.

Тов. Куйбышево дрэ пэскиро докладо прэ XVII
партконференция ракирдя (со дрэ второ панджбэр-
шытко плано Закавказьё лэла тэ розкхувэлпэ адякэ
жэ сыго сыр тэ дрэ пэрво панджбэршытко плано. Га-
витко хулаибэ лэла тэ буглякирэлпэ пиро техническа
культуры.

Треби тэ пхэнэс ваш барьипэ баруно вангар дрэ
Закавказьё. Баруно вангар дрэ второ 5 бэршытко плано
лэна тэ дорэсэн жыко 9 млн. тонны лэла тэ розкхувэ-
лпэ сыгонэ темпэнца и горно про ышленность, медь,
цветно металлургия, алюминё. ЗСФСР дрэ второ 5
бэршытко плано откэрла зоралы энергетическо база
дрэ Грузия, Армения тэ дрэ Азербайджано.

Дро вавир панджбэршытко плано про Ленинско
комсомоло пасёла задэибэ тэ пролыджяс партиякиро
и правительствоскиро решениё ваш вавир 5 бэршытко
плано и тэ натыкнякирэс большевистска тэмпы дрэ
амаро соцстроительство мобилизовать вниманиё бутит-
конэн прэ адава, собы тэ пиривыполнинэс промфин-
планы.

Комсомоло дрэ классово тарибэ

Амэ кэраса социалистическо обшщество.
Адаво амаро основно задэибэ. Кэраса разна фабрики,
заводы саструнэ дрома, пролыджялапэ сплошно кол-
лективизация, саро адава марла пиро капиталистическа
элементы. Социалистическо строительство джяла клас-
совонэ тарибнаса. Классово враго дыкхэла дрэ амаро
успешно социалистическо строительство пэскиро му-
лыпэ, пэскири хась. Амэ джинас сыр амарэ враги — дрэ
гава кулаки лыджяна тарибэ коллективизацияса. Дрэ

пэрво моло коли подгынэ буглэс строительство колхозэн кулако откэрдя агитацыя машкир чёрорэндэ и середнякэндэ собы ёнэ на гынэ дро колхозо. Кулаки ракирдэ со дро колхозо авэла лэнгэ хась. Дрэван бут налаципэ ракирдэ кулаки ваш колхозо. Бут сыс случяи коли кулако хохайбнаса проджялас дро колхозо тэ одой лыджялас подрискирибнытко буты, соб о колхозо тэ роспэрэлпэ. Адава кулаки крһнас пал адава соб тэ сыкавэс чёрорэнгэ со окэ дыкхэн колхозостыр ници на выджяла.

Дрэ романо колхозо „Трудово Нацмено“ надур форостыр Ростово дрэ колхозо бут загынэ рома кулаки, савэ залынэ саро дрэ пэскирэ васта. Бэшлэ кулаки дро правлениё, прилынэпэ тэ обчёрэн колхозно хулаибэ. Колхозо сыс пиро розлыджяибэ грэн, собы тэ розлыджяс грэн тэ выполнинэс сарэ задэибэна савэ сы тэрдэ ангил колхозно правлениё, кулаки залынэпэ одолэса, со киндлэ, бикиндлэ тэ парудэ грэн про тарго. Бикиндлэ 500 пуды кхас чястникэнгэ и лынэ пэскэ ловэ. Инке ёнэ залынэпэ чёрһяса. Адалэ кулаки сгарадэ пэскирэ соцыально положениё, ёнэ хохадэ Советско власть, а чёрорэ рома пиро пхураны привычка дарандынэ тэ ракирэс ваш лэнгэ, а сы адасавэ мануша савэ ракирна со машкир ромэндэ кулакэн нанэ. Коли уджиндя Ростовско совето сари кулацко буты дрэ колхозо, розгалыяпэ со бут адалэ кулакэндэ инке дрэ тагарискирэ бэрша сыс барэ кофарьэнса, лэндэ сыс пэскирэ кхэра, по шэл грэнгирэ шэрэ, парова мельницы и ад. дур.

Дрэ колхозо „Труд ромэн“ (Сев. Кав. Краё Минераловодческо районо) рома кулаки загынэ дро колхозно правлениё, обчюрдынэ чёрорён ромэн колхозникэн и советско власть, сави отмэкья 200 тысенцы састэ, корэ кулаки ни сави буты ваш колхозо на кэрдэ, а колхозно хабэ пэскэ лынэ.

Колхозоскэ сы отмэкнэ советсконэ властяса ловэ-собы тэ кэрэс кхэра, а кулаки адалэ ловэ отлынэ пэскэ. Колхозоскэ сыс отмэкнэ ловэ дрэ кредито собы тэ ки-

нэс гавитка хулаибнытка машины и ското и ваврэ трэ-
бйма вешши ваш колхозо. Правленцы-кулаки прилынэ
дро колхозо одолэн, конэс камнэ, бут чёрорэ на сыс
прилынэ дрэ колхозо.

Дрэ адалэ колхозы на лыджялапэ ни саво учёто,
а ваш соцсоревнованийё, ударничество на приджялапэ
и тэ ракирэс. Колхозно кофо (доходо) распрэдили-
няпэ (распределялось) машкир сарэндэ кон кэрдя буты
и кон на кэрдя и ни савэ буты дывэса ни зачиндлэ.

Окэ сыр рома-кулаки отлыджянапэ ко социалисти-
ческо строительство. Мэ на ракирава со дрэ сарэ ро-
манэ колхозы адякэ жэ бэшлэ кулаки. Сы тэ адасавэ
романэ колхозы, кай нанэ кулакэн тэ кай колхозо шу-
кир кэрла буты, сы романэ колхозы дрэ савэ сы за-
лыджины буты дрэван шукир, савэ сы премирована тэ
савэ гинэнапэ фэдыдырэнца дрэ районо

Нэ сыр ракирла Тов. Сталино, треби эвэс руко-
водить, парувэлапэ бутитко форма, парувэлапэ форма
дрэ классово марибэ. Акага кулаки откэрдэс на агити-
руют, а подракирна чёрорэн собы ёнэ лыджинэ маш-
кир чёрорэндэ кулакоскири линия. Сы акана рома
кулаки лыджяна марибэ социалистическонэ строитель-
ствоса? Советско власть дрэван бут помогискирла чёро-
рэнгэ ромэнгэ ваш адава соб ёнэ тэ ачен трудяшшёнэ
манушэнца, собы чюрдэнэ фэлдытко джиибэ.

Дрэ Москва кэрна бут ромэн буты дрэ романэ
транспортна артели так рома-кулаки закэдынэпэ и тэ
подрискирна артелякири буты, отракирна ромэн соб тэ
на джан дрэ буты, умарна грэн хачкирна бараки тэ
инке кэрна бут на миштэ рэнды.

Одасавэн а ромэнца кулакэнца Советско власть
росправинэлапэ адякэ жэ сыр тэ руссконэ кулакэнца.
Нагара екхэс ромэс кулакос осэндякирдя сэндо тэ
вибичядя Москватыр.

Партия тэ Советско власть пролыджяла коллекти-
визация дрэ гавитка хулаибэна, пирикэрла гавитко ху-
лаибэ прэ учё кофитко хулаибэ. Рома-кулаки подра-
кирна ромэн чёрорэн, собы ёнэ тэ лыджян агитация

машкир чёрорэндэ ромэндэ, собы коли чюрдэна фэлдытко джиибэ залынэпэ бы екхитконэ (индивидуально) хулаибнаса. Рома-кулаки подракирна манушэн соб тэ на отдэн ёнэ пэскиро имушшество дро колхозо. Адасавэн чёрорэн ромэн савэ шунэна кулакос кхарна подкулачникэнца. Кула-и ракирна, собы тэ заджяс дро колхозо ангил треби тэ бикнэс грэн тэ саро со сыс. Ёнэ ракирна со государство саро дэла ваш хулаибэ. Кулаки рома коли на джяла хачкирды буты сыр вэсеннё сэво скэдыибнаскири кампания (уборочная компания) осеннё сэво и ад. дур. портинэна машины, пхагирна савэ нибудь чясти би савьенгиро нашты тэ кэрэс буты.

Романэ кулаки спхандлэ руссконэ кулакэнца и машкир лэндэ сы екх пэскирэ интересы тэ лыджяс марибэ социалистическонэ строительствоса. Нэ сыр бы романэ кулаки на камнэ, соб чёрорэ рома тэ на джян прэ оседло джиибэ дрэ колхозы, соб тэ на парувэн пэскиро пхурано джиибэ, сатаки чёрорэ рома полынэ со треби тэ чюрдэс фэлдытко джиибэ и со треби тэ явэс обшшэственнонэ полезнонэ манушэнса дрэ СССР. Кажнонэнца бэршэса са бутыдыр и бутыдыр чёрорэ мануша вчивэнапэ дрэ бутяритка семья и прилэна учястиё дрэ амаро социалистическо строительство. Классово марибэ инке бут бэрша явэла. Адатхыр тэрдо задэыбэн ангил романо комсомо́то соб тэ на ачявэс классово марибэ и ни про кицы на тангискирэс ворогос-кулакос. Романо комсом ло банго тэ джинэл со ёв сы помошшникo партиакэ, со комсомолоса руководи-нэла коммунистическо партия, со комсомоло помогискирла тэ пролыджял партийно задэибэ.

Ваш э подготовка романэ кадры

Тэ создэс амарэ кадры спхандло амарэ социалистическонэ строительствоса. Дрэ адава рэндо эрвонэса задэибнаса треби тэ кэрэс романы школа, кай кончинэна и джяна тэ сыклён дрэ разна сыкляибнытка заведения. Дрэ пэрво очередь педтехникумы,

сельтехникумы, политпросветительна, састыпнытка (врачи). Дрэ адалэ сыкляибнытка заведения бичявэна комсомольцэн, бутярэн тэ колхозникэн тэрнэн, ваш адава Наркомпросо тэ отделе народно образованиё дэна штэты.

Амаро соцыалистическо строительство пролыджялапэ советсконэ властяса, сави камэл упрэдыр сарэстыр адава, собы кокорэ бутярнэ мануша газдынэ пэскири активность тэ камаибэ, а ваш адава треби тэ явэл учи сознательность тэ культурность.

Ваш адава, собы тэ газдэс амари культурность пролыджялапэ всеобшшэ пэрвоначяльно сыкляибэ.

Всеобшшэ начяльно сыкляибэ ваш чяворэнгэ кхэтанэ ликвидацяса налылварипэ барэ манушэндэ приджялапэ тэ отлыджяс кэ разна культурна организаци. Амэ джинас, со амэнгэ ачьяпэ чёরоро культурно наследство тагарскирэ строёстыр, — сы бут миллионы налылварэн тэ дрэван набут откэрдэ культурна штубы.

Амарэ строкакэ приджялапэ тэ пролыджяс дрэван бари буты дрэ культурно строительство.

Бутярнэ тэ гавитка мануша дро Советско Союзо шукир полынэ одолэ барэ задэибэна, савэ тходя прэ лэндэ Октябрьско революция тэ зоралэс лынэпэ палэ культурно революция. Амэ ракираса ваш культурно революция пало адава со адай сыр тэ сарэ революции кэрна кокорэ мануша. Задэибэна савэ тэрдэ ангил амэндэ: тэ зорьякирэс культурно буты. А адая активность дрэ бутя дэла барэ достижения дро культурно бярйипэ.

Дро пэрво бэрш Октябрьсконэ революция амэндэ лынэ са бутыр тэ бутыр тэ барьён каждонэ бэршэса школы, кай сыклёна тыкнэ чяворэ. Амарэ барэ тэмпы дро соцыалистическо строительство сыр ко примеро: Сталинградско тракторно заводу Сельмаш дро Ростово, Турксибо и адякэ дудыр индустриализация дрэ амари страна тэ коллектилизация дрэ гавитко хулаибэ. Ваш



саро жэ адава треби амэнгэ тэ откэрэс бут шэла культурна организации. Каждо нэви фабрика, заводу, электростанция, каждое нэво колхозо, мангэна уса бутыр лылварэн манушэн.

Амарэ успехи дрэ адава строитэльство вылыджяибнаса учё сыкляибэн лэна тэ барьён. Дрэ адава культурно строитэльство треби бут тэ тховэс ловэ. Дрэ плано 1930-31 бэрш прэ начяльно сыкляибэ отмэкно прэ ада буты 400 млн. састэ. Дрэ адава плано на вद्याжна бут ваврэ культурна просветительна организации. Дрэ тагарискиро строё прэ саро манушэнгири сыкляибэ отмэкэласпэ на бутыр сыр 300 млн. састэ.

Амэ камас собы тэ явэн культурна штубы тэ кхэтанэ одолэса тэ газдэс учедыр сыкляибэ. Амари школа сы на адасави школа, сыр сыс дрэ тагарискиро времё. Амари школа тходы ваш интересо соцыалистическо строитэльство. Амэ пэскиро сыкляибэ лыджяса адякэ, собы сыкляибэ тэ авэл спхандло амарэ производственнэ джиибнаса сыр ракирдя амэнгэ Владимиро Ильичё Ленино. Адава сыкляибэ банго тэ дэл кофо пролетариатоскэ. Амари школа банги тэ освободинэл замардэн манушэн лакирэ нотатыр. Со амэ дрэван баро штэто отлыджяса сыкляибнаскэ сыкавэла одова со дро тагарискирэ бэрша госудаствоскэ обгыяпэ екх ученико дро школа дро бэрш 8 састэ, а дро 28-29 бэрш—43 састэ.

Дро 1929/30 бэрш-52 састэ и дро 1930/31 бэрш придыкхно прэ ученикостэ 68 састэ дро екх бэрш.

Сыр амэ джинас тагарискири Россия гиндяпэ барэ „кхэрэса бутитконэ манушэнгэ. Дрэван на камья тагари, собы тэ явэл амэндэ нацыонально культура. Тэ рикирэс дрэ темнота набарэ нацыональности дрэ адава сыс сари нацыонально политика тагарис.

Октябрьско революция тходя прэ адава трушыл. СССР сыкавэла сыр пролыджялапэ пролетарско нацыонально политик. Кэрдо саро собы тэ газдэс нацыонально культура.

Шунэна сыклякирибнаскирэс.



Сы адасавэ нацыональнасти савэ акана на отачена великоруссконатыр. Адасавэ рэспублики сыр БССР, Крымско республика, УССР, влыджинэ пэстэ обшшэ сыкляибэ учедыр сыр РСФСР. Адава одолэ нацыональнасти, савэ жыко революцыя бангэ сыс тэ гинэн пэс руссконэнца, лэндэ на сыс пэскирэ лыла пэскири родно чиб.

Окэ ласа ромэн, амэ сарэ джинас, со дрэ тагарискирэ бэрша ромэндэ на сыс литературна организацыя, дрэ гаджаканы школы ромэн на мэкнэ, а конэс прилэнас дрэ школа? Адасавэн савэ сыс барвалэн лэн сыс набут.

Адалэстыр амэ дыкхаса, со покицы на сыс ромэндэ пэскиро лыл, рома са бутыр бистрэна пэскири романы чиб. Адыкэ тагарискири нацполитика кэ адава и лыджия, собы сарэ тыкнэ нацыональнасти тэ кэрэс зорьяса руссаконаса. Чячэ, тагарискиро правительство вымэкья набут книжки прэ чиба кой савэн нацыональностен, нэ адава сыс книжка религиозно кай ракирлапэ со тагари дэвлэстыр тходо, со барвалэн манушэн треби тэ шунэс и тэ кандэс.

Окэ состыр нацыональнасти дрэван дур отачнэ ваврэ нацыональностендыр Ваш адасавэ нацыональнасти амари партия и Советско власть дрэван бут помогискирла, тэ газдэл лэнгиро культурно и экономическо быто.

Тов. Сталино генерально секретарё Ц К партия пхэндя прэ дэшушовто партиякиро с'езде со треби тэ помогискирэс адалэнгэ нацыональностэнгэ, савэ дур отачнэ ваврэ нацыональностендыр, собы ёнэ тэ дотрадэн лэн и кхэтанэ лэнца тэ джян дро екх герой дурыдыр.

Саро амаро хулаибэ учес барьёла. Лава тов. Сталиноскирэ: „Амэ бангэ тэ дотрадэс и тэ пиритрадэс капиталистическа страны техникаса и культураса“, — пролыджянапэ дро джиибэ.

В. И. Ленино пхэндя, со „амэндэ сы саро ваш адава, собы тэ кэрэс соцыализмо“, только екх на ух-



Дрэ романы школа

тылла—культура“. И окэ амэ пролыджяса пандж-бэршытко плано дро штар бэрша, нэ сы и адасавэ хулаибэна, плано савэн кэрдо сы дро трин бэрша и дро дуй.

Нэ коли барьёна амэндэ нэвэ фабрики и заводы, электростанцыи, пирикэрлапэ гавитко хулаибэ прэ крупно социалистическо хулаибэ, совхозы, МТС ваш саро адава баро хулаибэ треби тэ дэс квалифицырованно бутярэн.

Амаро задэибэ сы, тэ дэс дрэ набаро сроко тэ уджинэс техника дрэ пэскирэ производство и тэ джинэс ласа тэ управинэс. Акана ужэ сы бут дрэ промышлэнность, кай бут бутярнэ мануша сы залынэ сыкляибнаса.

Покицы амаро строительство джяла упрэдыр, тре-
би собы бутыдыр тэ джяс и дрэ техника.

Треби тэ пхэнэс, со амэндэ пэскирэн пролетарско-
нэ специалистэн набут, а сы специалисты буржуазия-
тыр, савэ на камэн тэ газдэн ам ри социалистическо
промышленность адава амэнгэ треби тэ создэс пэски-
рэн специалистэн.

Трудяшя рома бангэ тэ полэн, со коли на ухты-
лла культурнонэ квалифицырованнонэ манушэн дро
ванрэ национальности, то машкир ромэндэ лэн совсем
нанэ.

А кхэтанэ адалэса барьёла амэндэ пэскири куль-
тура и хулаибэ.

Коли тэ дыкхэс про адасавэ достижения сыр рома-
нэ школы, клубы, романы литература, театро колхозы,
романо сельсовета, пирдал адава амэнгэ треби тэ соз-
дэс специалистэн.

Амэ джинас, со амаро хулаибэ газдэлапэ учедыр
и адава на обджяла ромэн. Акана кокорэ рома прига-
лёна со рома ачнэ на адасавэ сыр дэшуштар бэрш
палэ.

Акана на адякэ бут ушунэса машкир ромэндэ ра-
кирибэна ваш тарго грэнца и зумаибэ. а бутыр ушу-
нэса нэвэ лава ваш панджбэ, шытко плано ваш кол-
хозно и культурно буты, ударничество и соцсоревно-
ванийё.

Амэнгэ ромэнгэ треби тэ тховэс задэибэ тэ соз-
дэс пэскирэ кадры, соб тэ явэн пэскирэ сыкляибнас-
кирэ, агрономы, техники, састыпнаскирэ и ад. дуры-
дыр.

Адава бутыдыр сарэндыр бангэ тэ полэн тэрнэ
мануша и дро пэрво очередь комсомольцы савэ бангэ
тэ джян тэ сук ён.

Советско власть дэла саро, соб тыкнэ отачнэ на-
циональности газдынэ пэскиро джибэн, собы ёнэ
дотрадынэ адалэ национальности савэтэрдэ учедыр
лэндыр.



Цыгпишшепромо. Грушина правлеинёскиро председателёскиро заместителё

Тэ на совэс, тэ дынхэс палю каж- до шаго классовонэ врагос

Амэ пиридживаса реконструктивно пери-
одо, саво сы дрэ одова, со бутярно классо и тру-
дяшя мануша СССР сарэ способэнца са зоралыдыр
домарна капиталистическа элементы, савэ инке ачнэ
дрэ амари страна.

Полыно, со социалистическо строительство вык-
харла марибэ стронатыр классовонэ вругэн и лэскирэ
агентэн. Кулако, нэпмано, рашай, сектанто екхэса
фронтоса лыджяна марибэ пролетарсконэ государство-

са, ёнэ на камэн тэ ачявэн пэскирэ позицыи зоралэс лыджяна марибэ соцыалистическэнэ стрoительствоса.


Ёнэ камэн тэ обухтылэн пэскирэнца влияниёса отачнэн трудяшшёнэн манушэн и тэрэн форитконэ бутярен и гавитконэ манушэн.

Акана фо, мы дрэ клас ово марибэ вапрэ. Кэ адава жэ классово ворого акана бутыдыр опытно, дро марибэ амэнца ёв высылыя сыр треби тэ гавитэспэ. Адай комсомоло бан о тэ лыджял зоралэс марибэ амэрэнца классовонэ ворогэнца, Нэ адава инке на саро. Ваш адава собы зоралэс тэ марэс классовонэ ворогос комсомоло банго тэ джинэл шукаринькэс лен носкиросыкляибэ. Только Лениноскирэ оружиёса амэ могискираса тэ розмарэс амарэн классовонэ ворогэн.

Тов. Сталино инке дрэ 1925 бэрш тходя задэибэн ваш воспитаниё тэрнэн соб тэ создэс бойцэн ваш марибэ пало соцыализмо дрэ амари стро́на. Адава воспитаниё тэрнэн банго тэ авэл дрэ духо соцыализмо. Адава сы, со победа дрэ соцыалистическо стрoительство дрэ амари стро́на авэла и адава треби. Второ собы тэ джинэс, со амаро бутяритко государство рикирла дро пэстэ сарэсвэтытко значениё, со амаро государство сы база ваш розкхуибэ пролетарско революция дрэ саро свэто. Трито,—тэ сыклякирэс тэрнэн дрэ патяибэ кэ руководство кэ коммунистическо партия. Комсомольцы лыджяна буты дрэ сарэ хулаибэна дрэ промышленность и дрэ гавитко хулаибэ, дрэ кооперацыя дрэ совето дрэ культурно просвитительна организацыя и ад ур.

Треби собы каждо комсомольцо активисто тэ спхандэл пэскири каждо дэвэсытко буты сарэнса амарэ задэибэнэнца ваш кэрибэ соцыал стическо обшщество. (Сталино вопрос Ленинизма стр. 219).

Амарэ пхарипэна; савэ тэрдэ ангил соцыалистическо стрoительство, трэби тэ джинэс, катыр ёнэ выбарьёна. Комсомольцы бангэ тэ помогискирэн партиякэ тэ змэкэс продукциякири себестоимость тэ газдэс тэмны дрэ индустриализацыя, тэ бутякирэс и тэ на стховэс васта дрэ соцыалистическо пирикэрибэ гавитко хулаибэ, ваш



Дыгхимпромо. Комсомольцо Барановско. Культкомиссиякиро
председателё

коллективизация тэ помогискирэс пэскирэ бутяса и тэ сыкавэс ла сыр примеро.

Коли амэ камас тэ домарас капиталистэн и тэ джяс ангил, треби тэ буглякирэс и тэ пирикэрэс амари промышленность, ам ро хулаибэ, тэ кэрэс нэвэ фабрики и нэвэ заводы тэ влуджяс коллективна гавитка хулаибэна и машинно техника дрэ гавитко хулаибэ.

Социалистическо строительство проджяла дрэ классово марибэ, классово марибэ джяла пирозно. Умарна пало вэнгло селькорос, рабкорос обшшественникос и доджяла кэ экономическо контрреволюция. Амари классово ворого парудяпэ, амэ лэс зоралэс домардям дрэ откэрдо марибэ прэ фронто дрэ гражданско марибэ. Амэ зоралэс мараса каждонэса дывэсэса. Нэ классово ворого гаравэлапэ адякэ со лэс на сыго латхэса. Марибэ классовонэ врогос джяла дрэ гавитко хулаибэ, дрэ кооперация, дрэ колхозо дрэ литература дрэ театро и дрэ бут вавир штэты. Паладава каждо комсомольцо банго тэ явэл прэ стрэга. Классово враго латхэлапэ машкир амэндэ, классово враго камэл тэ марэлпэ.

Каждо тэрно бутярно, каждо тэрно говитко мануша инке бутыр комсомольцо банго тэ галёл тэ розкэдэлпэ дрэ обстановка и тэ кэрэл дро пэскиро времё чячюнэ выводы сыр ваш пэскири буты, адякэ жэ и ваш пэскири организация.

Комсомоло ваш марксистко ленинско сыкляибэ

Борьёла индустриализация дрэ амари страна ваш сави са бутыдыр и бутыдыр треби тэрнэ зорья. Дэшитка тысен кэрна буты прэ фабрики, заводы, нэвэ утырья. Машкир адалэ тысенцы бутярен кэрна буты тэрнэ романэчявэ, савэ инке на прогынэ ни савэ политсыкляибэ. Ангил лэндэ сы тэрдо задэибэтэ луджяс Ленинско сыкляибэ. Барьёна романэ колхозы, промысловы артели, клубы и лолэ вэнглы и ваврэ ромынэ



Цыгхимпромо. Ударнико

5—895

организацыи и дрэ сарэ адалэ организацыи приджяла-пэ тэ руководинэс, партийнонэнгэ и комсомолскэ ваш адава треби кокорэнгэ шукаринько тэ явэс политическо подготовлено. Ваш адава собы тэ руководинэс манушэнца треби кокорэнгэ тэ явэс прэ шэро учедыр. Бут сы романэ комсомольцы, савэ на полэна задэибэна амарэ партия и советско власткырэ. Прэ адасавэндэ комсомольцэндэ бут влияют пхурэ рома и ёнэ на могискирна на уракирна отачнэ ромэн, собы ёнэ тэ чюрдэн пхурано романо джиибэ и тэ джян тэ кэрэс сави на яви полезно буты. Комсомольцы рома бут согласи-нэнанэ пхурэнца ромэнца, савэ на камэн тэ чюрдэн пхурано джиибэ савэ ракирна со “амэ фэдыр джяса про тарго а на „кэраса буты“. Сы бут адасавэ случаи со комсомольцы поддэнапэ лэнгирэ лавэнгэ и чюрдэна буты.

Выджяла адава адалэстыр со романо комсомоло сыр треби нанэ подготовлено политически.

Сы адасавэ товариши, савэ на отдэна пэскэ отчето и кэрна буты дрэ корорипэ и на джинэн ваш со ёнэ кэрна и конэскэ ёнэ кэрна. Адай романэ комсомолскэ помогискирна Марксистско Ленинско сыкляибэ. Ёй поморкскирла комсомолскэ тэ полэс чячюнэс саро амаро социалистическо строительство и газдэла классово марибэ амарэ ворогэнца.

Тэ обухтылэс Марксистско Ленинско теория, адава дрэван шукир помогискирла и адава явэла зоралэ орудіёса ваш романэ комсомольцэнгэ дрэ социалистическо строительство. Адава помогискирла чячюнэс тэ розкэдэспэ дрэ классово марибэ, адава сыклякирла ромэн комсомольцэн.

Марксистско Ленинско сыкляибнаса тэ дэс отпоро дукханэнгирэ явлениенгэ дрэ амарэ ряды.

Прэ трито с'ездо ВЛКСМ Владимиро Ильичё Ленино ракирдя ваш коммунистическо мораль, бут ракирдя ваш классово марибэ.

Ильичё ракирдя:

„Классово марибэ продолжинэлапэ, ёв только

парудя пэскири форма... и амарэ задэибэна — тэ подчининэс сарэ интересы кэ марибэ“.

Амарэ успехи дро соцыалистическо строительство, дрэ гавитка хулаибэна и дэла зор тэ хаськирэс кулакос сыр классо, амаро рокхуибэ дрэ соцыалистическо строительство про саро фронто пролыджяла кэ классово марибэ классовонэ ворогэнца.

Гавитка чёрорэ и середняки вгынэ дрэ колхозы, адалэса ёнэ тырдынэ про зорало патяибнытко дром, кэ политика дрэ амари партия. Бутяритко классо шукар патяла дрэ чячюны буты дрэ строительство соцыализмо.

Партия тходя задэибэ тэ домарэс кулакос сыр классо, комсомольцо дрэ пэскири практическо буты на банго тэ бистрэс адава.

Рома комсомольцы бангэ тэ лыджян зорало марибэ амарэ ворогэнца романэ кулакэнца и ваврэ нацыональнэ кулакэнца, тэ хаськирэн кулакос сыр классо прэ база сплошно коллективизация, шукир и чячипнаса тэ пролыджяс хулаибнытка политическа кампаний, марибэ пало соцсоревнованийё и ударничество, тэ выкэрэс и тэ пирикэрэс контрольна цыфры дрэ штарто решшаюшшё бэрш пиро панджбэршытко плано. Рома комсомольцы бангэ тэ создэн политическо сознательность машкир тэрнэ чявэндэ и тэ лыджян марибэ рвачествоса и лжеударничествоса. Тэ обухтылэс 100% тэрнэ чявэн соцсоревнованийёса и ударничествоса.

Каждо комсомольцо лачё ударнико.

Каждо ударнико — рационализаторо плановико и англатуно дрэ обшшественно политическо джиибэ.

Адава сыкавэла, со Ленинско комсомоло сы пэрво партийно помошшенико.

Ваш интернационально буты машкир комсомольцэндэ

Ваш амари строга треби нэвэ мануша. Настойчивонэн, соб тэ явэн адасавэ мануша, савэ бы тэ кэрэн

на только ваш пэскэ и пэскири семья, нэ савэ бы могискирдэ тэ отдэн пэс прэ рэндо строительствоскэ. Треби собы нэво поколениё тэ галёл и тэ газдэл классова интересы учедыр пэскирэндыр личнонэдыр иитересэндыр.

Нэво поколениё банго шукир тэ галёл и тэ джинэл пэскирэ пшалэн и врагэн машкир разна нацыональности. Амарэ тэрнэ мануша бангэ тэ джинэн со бутитка и сарэ трудяшшися савьятыр бы ёнэ нацыональностятыр тэ на явэн — сарэ ёнэ пшала машкир пэстэ, сарэ ёнэ марнапэ пало екх интересы. Пашил адава амарэ тэрнэ мануша бангэ шукар тэ джинэн, со машкир каждо нацыональность сы враги ваш бутяритко классо,—адава буржуазия, помещики и кулаки. Тэрнэ мануша бангэ тэ воспитынэспэ адякэ, собы ёнэ тэ галён со треби тэ марэспэ ваш классова интересы бутярнонэ классос, сарэ амарэ угнетателенца савэ нацыяса ёв бы на сыс. Адава сы задэибэ интэрнацыональнонэ воспитаниёс.

Сыр могискирла тэ явэл амэндэ про дэшу панджто бэрш революцыя, дрэ стропа, сави пэрво дрэ саро свэто дья равенство ваш бутяритконэ манушэнгэ сарэ нацыональностэнгэ, сави хаськирдя тасайбэ екх нацыональность вавряса инке могискирла тэ явэл нацыонально холы и брезгима екхэ нацыональностя кэ вавир коли ёнэ адосавэ жэ бутярья. Амэ джинас со тагаритко Россия сыс старибнаса ваш бутыдыр 130 нацыоанльностенгэ. Дрэ камаибэн тэ кэрэс бутыдыр пэскирэ кофы тагаритко правительство пролыджяла откэрдо откэдыбэн. Ёв обкэдэлас саро сырьё и обкэдэлас лаче пхувья. Тагарискиро правительство зарикирлас экономическо розкхуибэ строинэлас на фабрики и заводы а кхангирья и барэ кхэра (старибэна). Крестьянство рундя тэло налогова пхарипэна. Кхэтанэ экономическонэ тасайбасна тагаритко правительство зарискирдя и культурно розкухибэ. Соб тэ отрискирэс пэстыр холы дро времё коли сы кризисо, бибутякирэс тагаритко правительство залэлэспэ холякирибэнаса прэ юдэндэ и кэрла тэ юдэнгиро погромо. Адякэ тагари хохайбнаса зракхэлас темнота машкир бут нацыональ-

ности, савэ сыс дрэ тагаритко Россия и саро времё розджянгавэлас холы екхэ национальностятэ кэ вавир. Дрэ адая политика тагаритко правительствостэ сыс союзники национально буржуазия. Адалэскэ жэ шукар помогискирнас кхангирья, синагоги, мечети и рашайтка школы, кай библияса и евангилияса замарнас манушэн-гирэ годя тыкнэ бэршэндыр. Адалэстыр сы дыкхно кой савэ слои машкир украинска, белорусска, романэ польска, татарска, еврейска бутярья и крестьяне гиндлэ пэс притасандэнца бутыдыр на только пал адава со ёнэ бутярья и гавитка трудяшья бутярья савэндыр случкирна цыпа капиталисты и помещики и пал адава со ёнэ поляки украинцы, татары евреи и ад. дур. Ёнэ чьстэс дыкхэна пэскирэ ворогэн на только дрэ руссконэ городовонэстэ и жандармостэ нэ и дрэ саро русско, адалэстыр и дрэ руссконэ бутяритконэстэ и гавитконэ гаджестэ. А адава только и треби сыс тагаритконэ правительствоскэ буржуазиякэ и помещикэнгэ.

Буржуазия на дэя и на домэкья собы тэ скэдэспэ кхэтанэ бутярнэ классоскэ ваш марибэ пэскирэнса ворогэнса. Окэ катыр лыяпэ национально холы.

Состыр жэ акана после октябрьско революция сы инке национально холы. На треби тэ бистрэс со инке дрэван бут ворогэн ачьяпэ дрэ амари строга. Гинэлапэ пашыл 2 миллионы лишэнцэн, машкир савэндэ сы нэп-маны, кулаки, рашая и ваврэ бывша мануша, савэ на могискирна тэ бистрэн пэскиро лачё джиибэн дро тагаритко времё.

Откэрдэс тэ пролыджян пэскирэ рэнды лэндэ нанэ зор, ёнэ пользынэнапэ темнотаса и набарэ сознатель-ностяся кой савэ манушэн машкир бутитконэндэ и пролыджяна холы машкир бутитконэндэ разнэ на-цыендэ. Акана коли зоралэ наступлэниёса бутяритконэ классос про остатки капитализмо дрэ СССР дро форо и дро гав коли дрэ социалистическо строительство втырдэнапэ миллионы, пролетариато встретиэла прэ пэскиро дром особеннэс зорало сопротивлениё пэс-

кирэ ворогэндэр. Окэ состыр амэндэ инке сы холы ко ваврэ нацыональности. И акана сыр николи острэс тэрдо пучибэн ваш интэрнацыонально барьякирибэ нэво поколений.

Тов. Сталино ракирдя ваш задэибэна интернацыонально сыкляибэ комсомольцос:

„Комсомоло лыджяла буты машкир сарэ нацыональности. Кокоро комсомоло сы интэрнацыонально, адава жэ комсомоло сы помошникоса ВКП(б). Треби собы комсомоло сыс дрэ сарэ нацыонально джиибэ. Треби собы амарэ успэхи и пхарипэ дрэ классово марибэ пролетариятоса тэ явэн спхандлэ сарэ свэтытконэ пролетариятоса

Треби тэ присыклякирэспэ комсомолоскэ тэ розкэдэспэ дрэ амари революцыя и тэ полэл лакиро сарэсвэтытко значений, со амари революцыя помогискирла ваш марибэ пролетарсконэ революцыя дрэ сарэ страны.

Комсомоло пало соцсоревнование и ударничество.

Прэ XVI партийно с'езде т. Сталино ракирдя, со ни екх страна дро саро свэто на джинэл адасавэ барэ тэмпы роскхуибэ и барьипэн, сыр дрэ амари страна.

Лениноскирэ задэибэна тэ дотрадэс и тэ пиритрадэс капиталистическа страны дрэ техническо экономическо отношений амэ пролыджяса дро джиибэн ваш адава рэндо амэ газдыям дрэван барэ марибэ ваш уче темпы.

Комсомоло прилыя и прилэла учястие дрэ адава марибэ ваш тэмпы.

Марибэ ваш тэмпы сыс на только адалэнса кон тормозинэла адалэ тэмпы и на только марибэ правонэнса уклонистэнса и троцкистэнца элементэнца,



Цыгпишшепромо. Ударно бригада

савэ дро пэскиро дыкхибэ (взгляды) ваш тэмпы индустриализация дрэ амари страна сджямпэ. Марибэ ваш тэмпы сы дро одова, со амэ ла лыджяса каждо дывэс прэ амари буты. Марибэ ваш тэмпы вгыя дро кажно фабрика и заводу дрэ кажно гав.

Марибэ ваш тэмпы сы, со ла лыджяла ЦК и каждо ударнико и амэ дыкхаса, со адалэстыр марибнастыр могискираса тэ пхэнас, со лозунго вычюрдыно трудяшшёнэнца „Панджбэршытко дрэ штар бэрш“, про-лыджяса дро джиибэн.

Амари партия смогискирдя (сумела) шукар тэ допхэнэс бутитконэ классоскэ и сарэнгэ трудяшшёнэнгэ СССР ваш амари индустриализация и бутитко классо прилыяпэ ваш выкэрибэ и пиривыкэрибэ плано, ваш встречно промфинплано.

Адава сыкавэла прэ рэндо со надыхи прэ вредительство классовонэ врагос лэнгэ на удэяпэ тэ ури-кирэс (удержать) барьипэ дро социалистическо хулаибэ.

Дрэ амарэ васта пролетарско государство сы сарэ зорья, амэ пиро плано кэраса пэскиро хулаибэ.

Хулаибнаскиро барьипэ дрэ амари строга дрэван шукир полэна амарэ враги. Враги амарэ полэна кэ со лыджяла барьипэ дрэ соцыалистическо хулаибэ дрэ амаро Советско Союзо.

Ёнэ ужэ на санапэ пало амаро панджбэршытко плано, сыр ёнэ сандлэпэ гара, ёнэ сыгыдыр ровэна адалэ панджбэршытконэ планостыр, пал адава со ёнэ дыкхэна со кхэтанэ адалэса, со дрэ СССР барьёла хулаибэ, лэндэ хулаибэ хасёла.

Сарэ джинэн со соцсоревнованийё и ударничество дрэван бут скхэллэ дро соцыалистическо строительство-скиро, барьипэ адалэса газдыяпэ производительность и выкэрибэ планы. Соревнованийё и ударничество розмардэ адалэн кон трашадяпэ и на патяндя дрэ амарэ тэмпы.

Ударна бригады тырдынэ дрэ саро амаро соцыалистическа хулаибэ дрэ савэ прилэнапэ пхурэ и тэрнэ пролетарии, амарэ ударники сыкавэна дрэван лаче сыка-ибэн дро социализмоскиро строительство.

Соцыалистическо соревнованийё и ударничество зоралэс помогискирла ваш коммунистическо воспитанийё бутярнэ классоскэ кэ отлыджяибэ кэ соцыалистическо буты.

Окэ со ракирла комсомолка. В. Н. Соколова романэ артелятыр Цыгхимпромо

„Коли мэ вгыём дрэ ударна бригада мэ удыкхьём вавир. Мэ кэрава буты дрэ фасовочно цэхэ, дрэ амари бригада 3 мануша и амэ бутыр выкэраса нормы ваврэндыр прэ 5 процэнты. Адая бригада дрэ пэрво моло сы пэрвовонаса ударнонаса бригадаса.

„Отэнчи коли амарэ бутярнэ дыкхэна, ракирла — Соколова, со адасаво ударничество и пирдал адава коли пролыджянапэ доклады ваш соцсоревнованийё ударничество и бут амарэ бутярнэ вгынэ дрэ ударники.



Цыгхимпромо. Комсомолка ударница Соколова



Правлениёскиро екэдэибэн дрэ артель Цыгхимпромо.

Амаро заводу № 1 выкхардя про соревнованиё вавир романо заводу „Цыгпишшепромо“ Окэ прилыджява доракирибэ (договор):

Доракирибэ

Ударно заводу № 1 промыслово коопер. Т-во „Цыгпишшепромо“.

1-нэ октябрёстыр 1931 бэршэстыр жыко 1 октябрё 1932 бэрш ваш адава, собы сыгыдыр тэ выкэрэс 5 бэршытко дро штар бэрш дрэ пэскиро времё тэ дэс Госпромышленностякэ дрэван миштэ то-вары, тэ выполнинэс партиякиро решениё ваш бутякирибэ удэрнонэ тэмпэнца, амэ бутярья и служащя заводостыр № 1 Цыгхимпромо об'являем пэс ударникэнца 1-нэ октябрёстыр адалэ бэршэстыр и даса лав тэ выкэрэс промфинплано пиро сари лэскири буты и выкхараса про соцсоревнованиё артель Цыгпишшепромо пирэ следуюшя пункты:

1. Бутыр тэ выкэрэс буты против промфинплано прэ 10%.
2. Тэ тыкнякирэс росцэнки пирэ сарэ заводу прэ 5%.
3. Пхэрдэс тэ хаськирэс брако.
4. Пхэрдэс тэ издживэс прогулы и дрэ пэскиро времё тэ явэс прэ буты.
5. Тэ прилэс учястие дрэ обшшественно джибэ дрэ заводу прэ 100%.

Бангипэ ударникэн про заводу и лэскирэ правы

1. Дрэ практическо буты ударнико банго тэ на кэрэл прогулы и простои, тэ выполнинэс сарэ внутренна распорядоскирэ правилы.
2. Тэ газдэс пэскири норма дрэ выкэрибэ и тэ лыджяс марибэ одолэнса, кон фрэнтынэла дрэ буты.
3. Рационализировать пэскири буты, тэ лыджяс экономя дрэ сырьё и тэ марэспэ бракоса и тэ фэдырьякирэс продукциякирэ качества.
4. Ударнико газдэла пэскиро техническо и обшшественно образовательно сыкляибэ пирдал разна курсы, техникумы и ад. дур.
5. Тэ залыджяс взродыбнытко жалобна книга и тэ зачинэс одолэн кон на шукар отлыджялапэ кэ буты и дурыдыр злостнонэн тэ вылыджяс прэ калы пхал.
6. Ударна бригады дэна лав тэ явэс прэ производственна совешшянии и тэ влыджяс пэскирэ производственна предложени.

Ваш обшшественно буты

1. Сарэ бутярья прэ 100% вджяна дрэ добровольна обшшества и активно кэрна дрэ лэндэ буты.
2. Тэ вычинэс и тэ гинэс газета „Кустарь и одиночка“ и романо журнало „Нэво Дром“.
3. Сарэ заводоскирэ ударники бангэ тэ пролыджян партиякирэ и правительствоскирэ задэибэна.

Подчинэна:

Ударничество роскхувэла буты отачнэ бутярнэн и тэрдэла лэн пал пэстэ. Акана дрэ адава заводу „Цыгхимпромо“ сы штар ударна бригады, савэ машкир пэстэ соревнуются.

Окэ прилыджява доракирибэ.

Доракирибэ

Ударно бригада тов. Осиповонакири И. Е. выкхарла прэ соцсоревнованийё тов. Шышковонакири П. В. 1 ноябрёстыр 1931 бэршэстыр.

Ваш выкэрибэ промфинплано пиротрито решаюшшэ бэрш дрэ панджбэршытко плано. Кэрава пэскири бригада ударнонаса пиротлав 14 Октябрёскиро бэршытко революцыя и выкхарават прэ соцсоревнованийё бригада № 1 тов. Шышковонакири П. В. прэ следуюшшы пункты:

1. Тэ газдэс бутякири производительность прэ 25%.
 2. Пхэрдэс тэ хаськирэс прогулы и опоздания.
 3. Тэ фэдырьякирэс качество дрэ продукция.
 4. Тэ дэс дрэ экономия топливо.
 5. Пхэрдэс тэ хаськирэс брако.
 6. Тэ псирэс прэ производственна совещшании.
 7. Тэ псирэс прэ заводоскирэ и цэхова скэдыбэна и адякэ жэ активнэс тэ кэрэс буты дрэ общественно джиибэ прэ производство.
- Доракирибэ пхэрдэс прилава бригада № 1. Шышкова П. В.

Мещеряков

Сокышова

Осипов

Тютталаев

Брушина

Мурзин

Ленинков

Андреев

Тютталаев

Осипов



Цыгхимпромо. Ударница Р. Фролова

Соцсоревнованийё и ударничество сы большэвистско принципо дрэ барьипэ соцыалистическо строительство дрэ саво кóмсомольцы прилэна бари буты. Романо комсомоло кхэтанэ ваврэнса комсомольцэнца газдэла ударна тэмпы, романо комсомоло пиривыкэрла амарэ производственна программы.

Задэибэна савэ тэрдэ ангил романо комсомоло дрэ решаюшшэ 4 бэрш панджбэршытконэ плано про-
лыджяна дро джибэ и на тыкнякна соцсоревнова-
ниё и ударничество, а инке бутыдыр и учедыр газдэна.

Пало ноябрё и декабрё 1931 бэрш Грачевона-
кири бригада—4 мануша дрэ фасовочно цэхо вы-
кэрдэ производственно задэибэ прэ 107⁰/₀-тов. Востро-



Цыгпишшепромо. Ударница А. Орлова

вонакири бригада — 4 мануша выкэрдэ прэ 103⁰/₀, бригада тов. Шишкина — 5 мануша прэ 116⁰/₀, бригада тов. Золотарёвонакири — 5 мануша выкэрдэ прэ 131⁰/₀

Индивидуально соцсоревнованиё дья:

Соколова В. К. выкэрдя производственно задэибэ прэ	121 ⁰ / ₀
Вербитско	прэ 108 ⁰ / ₀
Головкино	прэ 100 ⁰ / ₀
Глинкина	прэ 98 ⁰ / ₀
Шишкова. Е. П.	прэ 108 ⁰ / ₀

Пало январёскиро чён 1932 бэрш бригада тов. Алексеева выкэрдя бутыр задэибнастыр 3⁰/₀.

Бригада тов. Осиповонакири пиривыкэрдя задэибэна прэ 5⁰/₀. Каждо ударно бригада лья прэ пэстэ ответственность на только ваш пэскири бригада нэ и ваш саро цэхо, заводу и страна. Тов. Сталино ракирдя: собы кажно комсомольцо — активисто тэ спхандэл пэскири кажнодэвысытко буты дрэ саро амаро строительство адыкэ собы ёв тэ джинэл ваш дуратунэ (перспективы) кэрибэ соцыалистическо обшшество.

Адай треби комсомолоскэ тэ лэс про буксиро отачнэн.

„Коммунистическо Союзо тэрнэн банго тэ явэл ударнонэ группаса, сави дрэ сари буты сыкавэла со ёй помогискирла и дэла инициатива“.

Адалэ лава пхэндлэ Лениноса дэшуекх бэрш одолэскэ палэ прэ III с“ездо ВЛКСМ, пхэрдэс треби тэ влыджяс кажнонакэ бригадакэ. Романо комсомоло банго тэ гинэс пэс чястяса адалэ ударнонэ группа, тэ розкхувэс дрэ пэстэ инициатива.

Амарэ задэибэна

Джиибэ тходя ангил амари партия, ангил комсомоло, ангил сари амари строа бут нэвэ задэибэна треби шукир тэ джинэс сарэнгэ трудяшшёнэнгэ, савэ марнапэ пало соцыалистическо знамё сарэнгэ комсомольцэнгэ.

Дрэван барэ амарэ успехи дрэ соцыялістычнае
строітельство савэ домардяпэ бутяритко класо и
сарэ трудяшя. Пало руководство коммунистическо
партия, адалэ успехи амэ дыкхаса кажнонэса дывэсэса.
Адалэ успехи дыкхэна отачнэ и налылварэ мануша.

Дрэ барыпэ амаро народно хулаибэ дро успешно
соцыялістычнае строітельство амэ на забистраса клас-
сово марибэ, саво соса бутыр рызкхувэлапэ амаро
хулаибэ адалэса бутыдыр джяла классово марибэ.

Коммунисты и комсомольцы — адава революцיו-
неры на про екх дывэс, и на про екх чён и на про
екх бэрш. Буглякирлапэ амаро строітельство, ангил
амэндэ встретинэнапэ пхарипэна савэ амэ пиримараса,
(преодолеваем). Тэ пиримарэс адалэ пхарипэна тэ вы-
полнинэс задэибэ соцыялістычнае строітельство ком-
сомоло и бутяритко класо гавитка трудяшя мануша
захачькирна (закаляют) пэскиро классово марибэ про-
тив капиталистическонэ элементэн.

Редактор *Дударова*. Техред *Царевич*. Сдано в произв. 1/VII-1932 г.
Подписано к печати 15/XI-32. Инд. ДН—О. М. Г. № 3340. Ф. бум.
72×105¹/₃₂ 171360 зн. в 2¹/₂ п. л. Уп. Главл. В-11114. Зак. 895. Тир. 1.000

17-я тип. треста «ПОЛИГРАФКНИГА», Москва, Шлюзовая наб., 10.

1901
JAN 10

RECEIVED
JAN 10 1901
U.S. DEPT. OF AGRICULTURE

WASHINGTON, D.C.

U.S. DEPT. OF AGRICULTURE

WASHINGTON, D.C.

Тимин
Цена **50** гас.
коп.

~~45364~~

Цыг.
2-29

**КОМСОМОЛ
и классовая борьба
среди цыган**

на цыганском языке



**молодая гвардия
национальный сектор**

москва, новая пл., д. № 6/8

Цы.
2-29